

গো-জীবন

প্রথম প্রস্তাব

গো-কুল নির্মূল আশঙ্কা

ভারতের অনেক স্থানে গোবধ লইয়া বিশেষ আন্দোলন হইতেছে। সভা সমিতি বসিতেছে, বক্তৃতাও প্রচার হইতেছে, ইংরেজী বাঙ্গলা সংবাদ পত্রিকায় ক্ষয়গ্রাহী প্রবন্ধসকল প্রকাশ হইতেছে, কোন কোন স্থানে হিন্দু মুসলমান একত্রে, একপ্রাণে, একযোগে গোবধ বন্ধকর দপায় উদভাবন কবিতেন। কোন কোন ইংবেজী পত্রিকায় আবার প্রতিবাদও চলিতেছে। এ সমস্ত আর নিরব পাকা উচিত মনে কবিল্যাম না।

আমি মোসলমান—গোজীবন পরম শত্রু। আমি গো-মাংস হজম করিতে পারি। পালিষা, পুষিষা বড় বলদটির গলায় ছুবি বসাইতে পারি। ধর্মের দোহাই দিয়া দুগ্ধবতী গাভী, দুগ্ধপায়ী গো বংশের প্রাণসংহাব করিয়া পোড় উদর পরিপোষণ কবিতেন পারি, কিন্তু ন্যায় চক্ষে যাহা দেখিতেছি যুক্তি ও কারণে যাহা পাইতেছি, তাহা কোথায় ঢাকিব? স্বাভাবিক ভাব কোন ভাব বেশে গোপন করিব? মনে এক মুখে আর হইল না। প্রিয় মৌলবী সাহেব! মার্জনা করিবেন। মুন্সী সাহেব! ক্ষমা করিবেন। স্মৃতি সাহেব! কিছু মনে করিবেন না। কি করি, জগত পবানীন—কিন্তু মন স্বাধীন। যদি কোন মোসলমান ভ্রাতা এই প্রবন্ধের প্রতিবাদ করিতে ইচ্ছা করেন, অমুগ্রহ কবিয়া আহমদী পত্রিকায় প্রকাশ করিলে বিশেষ বাঞ্ছিত হইব।

আমাদের মধ্যে “হালাল” এবং “হাযাম” দুইটি কথা আছে। হালাল গ্রন্থীয়, হারাম পরিত্যাজ্য। একথাও স্বীকার্য যে—গোমাংস হালাল, খাইতে বাধা নাই। অগ্নিমাংস ও অন্তমতে (সাকি) হালাল। আমার মতে (হানফি) হালালও বলিতে পারি না, স্পঃ হারামও বলিতে পারি না। মাঝামাঝি একটা নামও আছে (মকরুহ) আরার এই সাকি মতে জলদ্রব্য মাত্রই হালাল। দৃষ্টান্ত—জলে একথা বলিতে পারি যে বজ্রকেবল পদ যতটুকু জলের মধ্যে বস্তু ধৌত সমস্ত

ডুবিয়া থাকে সার্বি মতের দায় দিয়া সে মন্ডুয়া পদটুকুও জল মধ্য হইতে কাটিয়া লইয়া কলসা, পোড়া, সিদ্ধ, স্ক্রুয়া, যাহার যেকোন অতিক্রম হয় করিয়া উদরে ফেল, কোন চিন্তা নাই, কখনই পরের খাওয়ায় নাম উঠিবে না।—ইহাও শাস্ত্রের কথা। কিন্তু শাস্ত্রে একথা লিখা নাই যে গোহাড কামড়াতেই হইবে, গোমাংস গলাধ করিতেই হইবে, না করিলে নরকে পড়িতে হইবে। বরং যাহা অখাদ্য—যথা বগাং সে বিষয় পবিত্র কোরান শরিফে স্পষ্টভাবে বরাহ নাম উল্লেখ “খাইওনা” (হারাম) লিখা আছে। খাইলে প্রধান নরক “জাহান্নাম”, তাহাতেই চিরবাস করিতে হইবে, আর নিস্তার নাই। খাদ্য সম্বন্ধে বিধি আছে যে খাওয়া বাইতে পারে, খাইলেনই হইবে, গোমাংস না খাইলে মোসলমানি থাকিবে না, মহাপাপী হইয়া নরক যন্ত্রণা ভোগ কবিত্তে হইবে—এ কথাও কোথাও লিখা নাই।

খাইবার অনেক আছে। ঘোড়া খাইতে পারি;—খাইনা। ফড়িং ধরিয়া স্বতে ভাজিয়া টপাটপ্ গিলিতে পারি—শাস্ত্রের কথা,—গিলি না। গোমাংস উদরমাং করিতে পারি—বিধি আছে, ভয়ে তাহার নিকটেও যাই না। ছাগলের মধ্যে পাঁঠাও খাদ্য, সে পাঁঠার দিকে তত ঘোঁষনা, যে ছাগিতে দুগ্ধ দেয় তাহাকেই “আল্লাহ আকবা” শুনাই। পাঁঠার সঙ্গে একেবারেই যে সম্বন্ধ নাই তাহা বলিতে পারি না। রসনা পরিতৃপ্ত আশ্রয়ে তাহার বংশবৃদ্ধির ক্ষমতা রহিত করিয়া দিয়া দিকি মোটাগোটা চাকদার জিনিস বানাইয়া কোরমা, কালিয়া, কাবাবে পেট পুরিয়া থাকি। উট এদেশে নাই, থাকিলেও তাহার কাছে যাওয়া যাহত না। কারণ শরীরের গঠন দেখিয়াই পাকস্থলী ঠাণ্ডা হয়। মহিব খাদ্য, তাহার কাছে ছুরি হাতে করিয়া যায় কে? কাজেই নিরীহ গোজাতির গলায় ছুরি বসাইতে আর এদিক ওদিক চাহি না। এত খাদ্য থাকিতেও কি গোমাংস না খাইলেই চলে না? ঘোড়া, মহিব, বনগরু, মেঘ, ছাগল, মৃগ, খরগোস সকলি তো চলিতে পারে? এ সকল খাইলেও তো ক্ষুধা নিবৃত্ত হয়। এত থাকিতে গরুর মাংসে জিহবার জল পড়ে কেন? ইহার উত্তর কে দিবে?

গো দুইই আমাদের জীবন। দশ মাস মায়ের উদরে বাস করিয়া জগতের মুখ দেখিতেই যেমন ক্ষুধায় কাতর হইয়া কাঁদিতে থাকি, সে সময়,—হায়! অমন কঠিন সময়ে কিসে আমাদের প্রাণরক্ষা হয়? মনে মনে একটা কথা উঠিতেছে—মায়ের তো দুধ আছে? আছে। কিন্তু গোরুস মায়ের উদরকে গলে মায়ের

স্তনে দুগ্ধ পাই কই ? মায়েব স্তনে দুগ্ধ থাকা সম্বন্ধেও অনেকেই গোরসে জীবন রক্ষা করিয়াছে। মিষ্টান্নে, পক্ষান্তে সত্ত্বজাত নব শিশুর প্রাণরক্ষা হয় না। দুগ্ধই জীবের জীবন। জগতে দুগ্ধ ছাড়া এমন কোন একটি খাজ নির্দিষ্ট নাই যে শুধু সেই খাজটি খাইয়া জীবনধারণ করা যায়।

গোরসই বঙ্গের উপাদেয় খাজ। শুধু অম্লস্থ শরীরে, এমন কি প্রাণসঞ্চার হইতে বিয়োগ পর্যন্ত দুগ্ধের প্রয়োজন; সেই দুগ্ধের মূল গোধনকে উদরসাৎ করিয়া ফেলিলে আব কি রক্ষা আছে! কালের মাহাত্ম্য যদি দুগ্ধের উপকারিতা অস্বীকার কবি, মাংস খাইতে শিখিয়াছি বলিয়া যদি দুগ্ধেব কথা মনে না করি, তত্বেচ উপকারী পশু প্রতি সদয়ভাবে সদবাবহাব করিয়া তাহাদের জীবনরক্ষা করিবার চেষ্টা করিলে তাহাতে ক্ষতি কি? বড় হইয়াছি আর দুগ্ধের ধার কে ধারে? কিন্তু এদেশে গো জাতিয় সাহায্য ব্যতীত বলুন তো কোনরূপ খাজ প্রস্তুত হইতে পারে? কখন না। যে খাজই প্রস্তুত কবিবে গো জাতির উপাসনা কবিতাই হইবে। এদেশে অজ্ঞ কোন পশুর দ্বারা ভূমি কৰ্ষণের প্রথা প্রচলিত নাই। কাজেই বলদেব দণ্ডকার। প্রথম কৰ্ষণ, কার্যকিত, মাড়াই করিতে কাহার সাহায্য আবশ্যক? গ্রহন গোরত্বকে মারিয়া, কাটিয়া, গলায় ছুরি বসাইয়া উদরসাৎ করিলে অজ্ঞ খাজেব আশা আর থাকে কোথা? মানিলাম—বুদ্ধি খাটাইয়া বিনা বলদে ভূমি আবাদ করিতেও ক্ষমতা আছে—কল কৌশল খাটাইয়া খাজাদি প্রস্তুত করারও উপায় আছে, কিন্তু একাধারে এত শুণ আর কাহাব? সে অপরিসীম গুণ সকল কি কাঁচা ভুলিয়া যাহ। কোন পণে মুগ্ধ হইয়া গোজাতির অসীম গুণ ভুলিব। ভ্রাতাগণ! আমি তো কিছুই দেখিতে পাই না। দ্রাতঃ! জগতে কাহার বিষ্ঠার কে করে আদর করিয়াছে? আমবা গোবিষ্ঠা অপবিত্র মনে করি কিন্তু যথার্থ হিন্দুগণ ঐ বিষ্ঠাবই বা কত আদর করেন। শুধু বিষ্ঠা কি আর আমাদের আদরের নহে? গোমূত্রেও উৎকট ব্যাধি আরোগ্য হয়। পুত্র, কন্তা, ভ্রাতা-ভগ্নীর সহিত জীবনেই সম্বন্ধ। যত উপকার, যত সাহায্য, যত লাভ, দেহে প্রাণ থাকিতেই সম্ভবে,—মানব জীবনে আশাও তাহাই। কিন্তু ভাই! গোজাতি মরিয়াও আমাদের উপকার সাধন করিতেছে। আহা! প্রথম দুগ্ধ দিয়া প্রাণ বাঁচাইল, পরে শরীর খাটাইয়া তোমার সংসার চালাইল, মরিয়াও তোমার সহস্র প্রকার উপকার করিল,—গায়ের চামড়া দিয়া তোমার পথসেবা করিল—আর

চাও কি ? তাহার শরীরের শিরাই কি ফেলিবার জিনিস। অস্থির দ্বারা তোমারই প্রয়োজন সাধিত হইতেছে। অকস্মাৎ অস্থিগুলির কথাই কি ভুলা যায়। নিজে চূর্ণিত হইয়া চিনি, লবণ পরিষ্কার করিয়া তোমারই খাতের স্বেদিকা করিতেছে। এত উপকারী যে তার গলায় ছুরি দিতে মনে কি একটুকুও দয়ার সঞ্চার হয় না ? উন্নয়ন পরিপূর্ণ করিবার বিস্তার জিনিস আছে। নানাবিধ মাংস আছে, মৎস্য আছে, যত ইচ্ছা তত খাও, কিন্তু উপকারী পশুর প্রতি নির্দয় ব্যবহার করিও না। ভাইরে ! তাহার জীবনের কষ্টক হইও না।

আর একটি কথা। এই বঙ্গরাজ্যে হিন্দু-মুসলমান উভয় জাতিই প্রধান। পরস্পর এমন ঘনিষ্ঠ সম্বন্ধ যে, ধর্মে ভিন্ন, কিন্তু মর্মে এবং কর্মে এক—সংসার কার্যে ভাই না বলিয়া আর থাকিতে পারি না। আপদে বিপদে, সুখে দুঃখে, সম্পদে পরস্পরের সাহায্য ভিন্ন উদ্ধার নাই। স্বপ্ন নাই, শেষ নাই, বন্ধার উপায় নাই। এমন ঘনিষ্ঠ সম্বন্ধ সাহাদেবের সঙ্গে এমন চিরসঙ্গি বাহারা, তাহাদের মনে ব্যথা দিয়া লাভ কি ?

ধর্মে আঘাত লাগে না, গোমাংস পরিত্যাগ করিলে ঘরকন্নারও ব্যাঘাত জন্মে না। উন্নতির পথেও কাঁটা পড়ে না। প্রাণের হানিও বোধহয়—হয় না। এ অবস্থায় গো হিংসা পরিত্যাগ করিলে হানি কি ? পরিত্যাগে নিজের কোন ক্ষতি নাই, অথচ চির সহযোগী ভাতার মনরক্ষা, ধর্মরক্ষা, আব বাহা রক্ষা, তাহা বার বার বলিব না। যাহাতে সকল দিক রক্ষা হয় সে তাগে ক্ষতি কি ? ভাইরে ! এই বঙ্গরাজ্যে হিন্দুর সহিত গাঙ্গ না হইয়া যদি খৃষ্টানের সহিত এসবাস হইত আর তাহাদের প্রতি ঘরে ঘরে—আমোদে, আল্লাদে, বিবাহে, শ্রাদ্ধে, পণে-ঘাটে, মাঠে, বাজারে—প্রকাশ্য স্থানে শূকর বধ হইত, তাহা হইলে আমাদের দশা কি ঘটিত ? ঐ মহানগর কলিকাতায় নিউমার্কেটে এখন যে প্রকার গোমাংস বিক্রয় হয়, ঐরূপ যদি শূকর মাংস বিক্রয়ের দোকান খুলিত তবে আমাদের মনে কি ভাব হইত ? কি কথা মনে উঠিত ! তাহা কি ভাবা যায়,—না মুখে বলা যায়। তবে রাজবিধিতে সকলের মাথাই নওয়াইয়া রাখিয়াছে। কিন্তু মনের আশ্রয় মনেই জলিতেছে, পূর্বেই বলিয়াছি জগত পরাধীন—মন স্বাধীন। আমাদের রাজার চক্ষে শূকর গরু উভয়েই সমান। কাজেই তাহাদের মনে হিন্দু মুসলমানের মধ্যস্থিত কোন বিষয় ধারণা নাও হইতে পারে। তাই বলিয়া কি

আমরা বুকের ছাঁতি ফুলাইয়া রাজবিধিতে বারণ নাই—গোবধে হও নাই বলিয়া
 দ্বাতার মনে মর্মান্তিক আঘাত করিব ? আমার মতে একথা কথাই নহে । কালে
 আমবা বাজাকে পরিত্যাগ করিতে পারি । বাজাও আমাদিগকে পরিত্যাগ
 করিতে পাবে । কিন্তু হিন্দু মোসলমানে কেহই কাহাকে পরিত্যাগ করিতে
 পারে না । —পরস্পর কেহই কাহাকে ছাড়িতে পারে না । জগত যত দিন—
 সম্বন্ধে ততদিন । এমন গুরুতব সম্বন্ধ যাহাদের সঙ্গে তাঁহাদের মনে বাধা দিতে
 আমাদের মনে কি একটুক বাধা লাগে না ।

প্রস্তাব উপসংহার কালে আর একটা কথা মনে পড়িল । তাহার মীমাংসা
 না কবিয়া কিছুতেই এ প্রস্তাব শেষ করিতে পারিলাম না । মোসলমান দ্বাতাগণ
 যদি বলেন, উপকারীজনের উপকাব মনে করিয়া, কি হিন্দু দ্বাতাগণের মর্মান্বাতেব
 কথা শ্রবণ করিয়া গোবধ যেন বন্ধ কবিলাম, কিন্তু জগতের একমাত্র সহায় বল,
 আশ্রয় যাহা কিছু বল—সকলি ধর্ম । ধর্ম সার-ধর্মই মূল । সেই ধর্ম, সেই
 এসলাম ধর্মে বলিতেছে কোরবানি কর । মানিলাম বিধি আছে, সে বিধি লঙ্ঘনের
 উপায় নাই—তাহা যথার্থ । কিন্তু ভাই । সে তো বৎসবের মধ্যে একদিন মাত্র ।
 তাহা হইলেও অনেক মঙ্গল । অতি কম হইলেও সমগ্র ভারতে প্রতিদিন পঞ্চাশ
 হাজার গোবধ পাকস্থলিতে মজিয়া বাইতেছে । অতি কম হইলেও হাজার গোবৎস
 কেবল স্বক্ৰিয়ায় উড়িয়া বাইতেছে, এগুলি তো রক্ষা পাইবে । অমুমানের কথা
 নহে, কল্পনাবও চিত্র নহে, আমি স্বচক্ষে দেখিয়াছি নির্দয় কসাইগণ যে সময় সেই
 একক্ষ, কি মাসেক বয়সের গোবৎসগণের পা বাঁজিয়া ঝাঁকায় তুলিয়া মাথায়
 কবিয়া বধ্যভূমিতে লইয়া যায়, তখন মানুষ মাত্রেই চক্ষে জল আইসে, হৃদয়ে
 ভয়ানক আঘাত লাগে । আহা ! গোবৎসগুলির সেই সময়ের কাতর রব শুনিলে
 মনে যে কত কথারই উদয় হয়, তাহা বলিয়া শেষ করা যায় না । সাধ্য নাই, ক্ষমতা
 নাই—কি করি ! যাক সে চিন্তা, সে কথা বৃথা ! যে কথা বলিতেছিলাম, বৎসবে
 একদিন কোরবানি না দিলেই নহে । ইহা স্বীকার্য্য । মোসলমান মাত্রেই একথা
 স্বীকার্য্য । কিন্তু কোরবানির কারণ কি ? কেন কোরবানি (বলি) প্রথা প্রচলিত
 হইল, ইহায় গুরুত্ব প্রতি আমাদের অর্থাৎ ভারতীয় মোসলমান সমাজের একে-
 নারে দৃষ্টি করা আবশ্যক । সাধারণ জ্ঞানে যে ‘ইদজ্জহায়’ গরু কোরবানি না
 করিলে ধর্ম বজায় থাকে না, মোসলমানিষ রক্ষা পায় না—এটি সম্পূর্ণ ভুল ।

আমি শাজ্জ দ্বাধা দেখাইব, প্রমাণ করিব যে, গরু কোরবানি না দিয়াও ধর্ম রক্ষা হইতে পারে। মোসলমানিও অটলভাবে থাকিতে পারে।

অতি প্রাচীনকালে হুজুরত এবরাহিম খলিলল্লাহ এক রাত্রে স্বপ্ন দেখিলেন যে, স্বয়ং ঈশ্বর আদেশ করিতেছেন 'এবরাহিম। আম'র নামে বলি দাও'—প্রাতে এবরাহিম একশত উট বলি দিলেন। রাত্রে পুনরায় স্বপ্ন দেখিলেন যে, ঈশ্বর বলিতেছেন, এবরাহিম ! তোমার বলি গ্রহণ করি নাহ। বলি দও। শব্দদিন মহাশয়ি এবরাহিম পুনরায় শত উট বলি দিলেন। বিধাতার লীলা বুঝিতে সাধ্য কার ? তৃতীয় রাত্রে পুনরায় স্বপ্ন দেখিলেন ঈশ্বর বলিতেছেন, এবরাহিম তোমার বলি গ্রহণ হয় নাহি ; বলি দও। যোর তপস্বী এবং ঈশ্বর ভক্ত এবরাহিম স্বপ্নাবেশেই মহা নীত হইয়া বলিলেন, প্রভো ! এ দাস আজ্ঞাব তাৎপর্য্য কিছুই বুঝিতেছে না। তিনদিনে তিনশত উট বলি দিয়াছি, গ্রহণ হইল না। এইক্ষণে আমি কি বলি দিয়া আজ্ঞা প্রতিপালন করি। বলির উপযুক্ত আমার খাব কি আছে ? উত্তর হইল, এবরাহিম ! তোমার বিশেষ ভালবাসা যে, তাহাকে বলি দাও, অর্থাৎ তোমার সন্তানকে বলি দাও। চিবভক্ত এবরাহিম প্রাতে উসিয়া প্রথম জীব নিকট, শেষ ইসমাইলের (পুত্র) নিকট ঈশ্বরের আদেশ প্রকাশ করিতেই তাহারা মহানন্দে ঈশ্বরের আজ্ঞা প্রতিপালনে সম্মত হইলেন। তখন এবরাহিম ইসমাইলকে স্থান করাইয়া ধৌত-বস্ত্র পরাইয়া গায় স্বগন্ধি দ্রব্য লেপন করিয়া এক স্নানীক্ষ ছবিকা হস্তে পুত্রদ্বয় কোরবানি ক্ষেত্রে উপস্থিত হইলেন। এবং পুত্রের গলায় ছুনি বসাইতেই দৈববাণী হইল, এবরাহিম ! তুমি ধন্য—তুমি যথার্থ ভক্ত। কিন্তু এবরাহিম ! জগত বড় কঠিন স্থান, মায়া বসে সকলেই মোহিত। পুত্রের গলদেশ বিনির্গত রক্তের ধারা দেখিয়া—সে বদনমণ্ডলের বিরক্তভাব চক্ষু দেখিয়া তোমার মনে অন্য কোন ভাবের উদয় হইলেও হইতে পারে। তোমার অটল ভক্তির কথঞ্চিত্ত পরিমাণ টলিলেও টলিতে পারে। তাহাতেই আদেশ হইতেছে যে, তুমি বস্ত্র দিয়া চক্ষু ঢাকিয়া আমার আদেশ প্রতিপালন কর। তোমার এ কীর্তি জগতের অক্ষয়কীর্তি স্বরূপ জলন্তভাবে চিবকাল দেদীপ্যমান থাকিবে। এবরাহিম তাহাই করিলেন বলিব পর দেখিলেন যে, ইসমাইল মহাজ্যোতি স্বরূপ পার্শ্বে দণ্ডায়মান, সম্মুখে একটি "দোহা" পড়িয়া আছে, রক্তের ধার ছুটিয়াছে। সেইদিন হইতে কোরবানির স্মৃতি। এ পর্যন্ত মোসলমান জগতে প্রচলিত, ধর্মগ্রন্থে উল্লেখ, স্মরণীয় কর্তব্যার্থ্য্যে পরিগণিত।

ঘটনা স্থান 'মক্কা' হজরত মহম্মদের কবরের পূর্বে। এখন কথা এই যে প্রথম কোরবানি দোষ। আরবদেশে আজ পর্যন্ত দোষাই অধিক পরিমাণে বলি হয়, উটও বলি হইয়া থাকে। আবাব কেহই গরু কোরবানি করে না। ধর্মের গতি বড় চমৎকার। পাহাড়, পর্বত, মরুভূমি, সমুদ্র, নদনদী ছাড়াইয়া মোসলমান ধর্ম ভারতে আসি-
 যাছে সঙ্কে সঙ্কে কোবানিও আসিয়াছে। এদেশে দোষা নাহ—দোষার পরিবর্তে ছাগল, উটের পরিবর্তে গো, এই হইল শাস্ত্রকারদিগের ব্যবস্থা। এখন বুঝিলেন পার্টিকগণ! বুঝিলেন কেন এ কথাটা এই প্রস্তাবে সংযোগ করিলাম। গরু কোব-
 বানি না হইয়া ছাগলও কোবানি হইতে পারে। তাহাতেও ধর্ম রক্ষা হয়। ইহার পরেও একটি কথা আছে যে, এক গরুতে সাতটি লোকের কোরবানি ক্রিয়া সম্পন্ন হয়, একটি ছাগ একজন ভিন্ন দুইজন নিষেধ। কাজেই ব্যয় লাখের গরুই অগ্র-
 গণ্য। কিন্তু ভাই! এ কথাব আশ্রয় তুলিয়া আমরা মুখবন্ধ করিতে পারিবেন না। কোবানির গরুর সমস্ত শাস্ত্রে যেরূপ বর্ণিত হইয়াছে, সে প্রকার একটি গরুর মূল্য ২৫টি ছাগল পাওয়া যাতে পারে। তুমি বৎসব বৎসব ২।৩ টাকার মধ্যেই সারিয়া থাক। আবার সে ২।৩ টাকার ক্ষতি চান্ডা বিক্রয় করিয়াই পূরণ কর। বিনাবায়ে ধর্ম রক্ষা। লাভের লাভ তন্তুলাভ মাংস। একযাত্রায় তিন লাভ—ধর্ম রক্ষা, অর্থ রক্ষা, উদর রক্ষা। যাহা হোক, আর বেশী বলিতে ইচ্ছা করি না; সত্যতবে প্রার্থনা যে, গোকুল বিনাশক, এবং গো খাদক নামে যেন আব আমবা অভিহিত না হই। চেষ্টা করিলে উভয়-কুলই রক্ষা হইতে পারে।

দ্বিতীয় প্রস্তাব

গোধন কি সামান্য ধন ?

গোধন কি সামান্য ধন ? চতুস্পদ শ্রেণীর মধ্যে পরিগণিত বলিয়া কি গো-
 জাতিকে সামান্য পশু বলিয়া মনে করিব ? অকর্ণাল পশুগুলিকে যে চক্ষে দেখিয়া
 থাকি, সেই চক্ষে কি গোজাতিকে দেখিব ? মনে কি বলে ? মোসলমান ভাতা-
 গণ ! মনের দ্বার খুলিয়া নিরপেক্ষভাবে বলুনতো—মনে কি বলে ? দোষাই
 আপনাদের পিতা মাতার, মনে এক, মুখে আর বলিয়া স্ব-স্বমতেব পোষকতা
 করিবেন না। চর্ম চক্ষে বাহ্য দেখিতেছেন, গোজাতির দ্বারা যত প্রকার উপকার
 পাইতেছেন, একে একে সেই কথাগুলি মনে করিয়া মনের কথা বলুনতো, গোধন
 কি সামান্য ধন ? গোজাতি কি সাধারণ পশুর মধ্যে পরিগণিত। আমাদের শাস্ত্রে

গোজাতির গুণের কোন কথা উল্লেখ নাই। অত্যাগ "হালাল" পশু শ্রেণী মধ্যে কেবল নাম মাত্র রাখিয়াছে। শাস্ত্রে গোজাতির গুণাগুণ বর্ণন নাই বলিয়া কি সামান্য পশু ছাগল, ভেড়ার সহিত গোধনের তুলনা করিব। হরি! হরি! সেই দীর্ঘকায় উটের সহিত কি ইহার সামনজন্তু দেখাইব? যদি ইসলাম ধর্ম রবি প্রথমে ভারতেই উদয় হইত, যদি মোসলমান ধর্ম জ্যোতিঃ প্রথমে বঙ্গেই প্রকাশ হইত, যদি নূরনবী হজরত মহম্মদ মুস্তফার অভ্যুদয় ভারতের কোন অংশে হইত, তবে বোধহয় গোজাতি সামান্য পশু শ্রেণী মধ্যে পরিগণিত হইত না। তিনি বিড়ালকে আদর করিয়া গিয়াছেন, আজ পর্যন্ত মোসলমান সমাজে সেই আদর অতি আদরের সহিত রহিয়াছে। কুকুরকে ঘৃণা করিয়াছেন, আজ পর্যন্ত কুকুর ঘৃণিতই রহিয়াছে। আরবে উটের যত আদর ভারতেও গোকুল সেই প্রকার আদরের ও যত্নের বলিয়া বর্ণিত হইত; —পবিত্র কথাটাও সঙ্গে সঙ্গে থাকিত। কে ভাবিয়াছিল লোহিত-সাগর পার হইয়া ভারত গগনে মোসলমান ধর্ম-পতাকা অক্ষয় রূপে উড়িতে থাকিবে? কে ভাবিয়াছিল যে মোসলমান ধর্ম সমস্ত ভারতে বিস্তারিত হইয়া পড়িবে? কে ভাবিয়াছিল যে মোসলমান জাতি ভারতের নগরে নগরে গ্রামে গ্রামে পাড়ায় পাড়ায় হিন্দুর সহিত একত্রে বাস করিবে? —পরস্পর আত্মীয়তা ঘটিবে? —একের মুখাপেক্ষী হইয়া অত্ৰকে থাকিতে হইবে? একাত্ম এক প্রাণ হইয়া কাব্যক্ষেত্রে অবতীর্ণ হইবে? বিশ্বামদায়িনী নিশার অবসান হইলেই পরস্পর দেখাশুনা ঘটিবে? তাহা হইলে বিধি হইত, ব্যবস্থা হইত, গোজাতির উৎকার বিষয় বর্ণিত হইত। দেশভেদে শাস্ত্রের প্রভেদ, জল-বায়ুর গুণাগুণে আহারবিহাও পরিচ্ছদের বিভেদ, যদিও ইহাশাস্ত্রের কথা নহে। কিন্তু যুক্তির আয়ত্ত এবং কারণের অন্তঃস্কৃত, তাগাতে সন্দেহ মাত্র নাই। শাস্ত্রে যেমন গোজাতির বিষয় বিশেষ রূপে কোন কথা লিখা নাই, অত্যাগ পশু সম্বন্ধেও লিখা নাই; —আছে কেবল উট আব দোষাব কথা বাহা ভারতের নিম্প্রয়োজন, বাহা বঙ্গের অগুচ্ছ ও তুচ্ছ। ইহাতেই উপলব্ধি হইতেছে, সহজ জানে ইহাতেই তো বুঝা যাইতেছে, প্রয়োজনানুসারে বর্ণনা, আবশ্যকানুসারেই পবিত্রতা।

দৃষ্টান্তস্থলে আরও কিছু বলিব। শাস্ত্রে কোন কথা নাই, বর্ণনা নাই, নামটিও নাই, করিলে শাস্ত্রমতে বোধহয় পাপও নাই এমন শাস্ত্র বহির্ভূত কাব্য কি আমরা করি না? মকলই করিয়া থাকি। খাজাদি সম্বন্ধে কো প্রথম প্রস্তাবেই

বলা হইয়াছে। দ্বিতীয় বার বলা নিম্নয়োজন। পাঠক! অহা বিষয়ে দৃষ্টান্তস্বরূপ দেখাইতেছি, ভ্রাতা মোসলমানগণ! বলুন তো মোসলমান হইয়া ধুতি চাদর ব্যবহার করা কোন হাদিসে আছে? একি দেশ প্রথা নহে? গুড়গুড়ি কি পেঁচাও-নলেব বাহাব দিয়া স্বগন্ধিযুক্ত তামাকের ধূমপান করা কোন বিধি সম্ভব? লাল রঙ্গের নাগবা জুতা কি কাল রঙ্গের চড়াতোলা জুতা ব্যবহার করা এটা কি? বাষ্পীয় শকটে, বাষ্পীয় পোতে গমনাগমন করার বিষয় কি শাস্ত্রে উল্লেখ আছে? টেলিগ্রামে, টেলিফোনে সংবাদ আদান-প্রদান করা কি শাস্ত্রের বাহিরের কার্য্য নহে? বিলাতি দেশলাই বুঝি কোন মোসলমান ভ্রাতা ব্যবহার করেন না? কি পবিত্রাপ! হায়! হায়! কি দুঃখের কথা! মানচেষ্টারের বস্ত্র দ্বারা লজ্জা নিবারণ করিতে হইবে একথা কি শাস্ত্রে লিখা আছে? কেবল শাস্ত্রে গোজাতির কোন প্রকার উপকারের কথা লিখা নাই বলিয়া কি তাহার উপকারিতার বিষয় স্বীকার করিব না? যাহা পুরুষ, পুরুষানুক্রমে ভোগ করিতেছি, চক্ষে যাহা দেখিতেছি, অন্তরের শিবায শিবায যাহার প্রমাণ পাইতেছি, প্রতি শোণিত বিন্দুতে যাহাব সাক্ষ্য দিতেছে, তত্রাচ বলিব যে গোজাতির বিষয় শাস্ত্রে কোন গুণের কথা লিখা নাই। গরুব গুণ কেন স্বীকার করিব? কেন গোবধে ক্ষান্ত হইব? আমাদের পক্ষে, গো, বৃষ, ছাগ, মেঘ, হরিণ, সকলি সমান। কি ঘৃণা! কি লজ্জা! আমি শাস্ত্র বহির্ভূত কোন কার্য্য করিতে বলিব না।—বলিতে সাধ্যও নাই। শাস্ত্র রক্ষা করিয়া উপকারীজনের প্রতাপকার কবা মনুষ্যেরই কার্য্য। পশুরাই প্রতাপকার করিতে সহজে স্বীকার হয় না। হিংস্রক জন্তুরাই প্রতাপকারের পক্ষপাতী। মনুষ্যে কেন প্রতাপকারের প্রতিদ্বন্দ্বী হইবে?

নব্বাধম কসাইগণই গোহত্যা করে। “কাচ্ছাব” শব্দ হইতে কসাই হইয়াছে, কাচ্ছাব শব্দের ভাবার্থ ব্যবসাদার। বেশ তো, কসাইগণ ব্যবসা করে, শাস্ত্রসম্মত কার্য্য করে, তবে সে কসাই নামে অভিহিত হয় কেন? সে কথা আমাদের মনে আঘাত লাগে কেন? আজ হইতে মনের ভার ফিরাইতে হইল। কারণ কসাই শাস্ত্র বহির্ভূত কার্য্য করে না, ব্যবসাদার—ভাল কথা, বড় মিষ্টি সম্ভাষণ। পাঠক! মোসলমান কবিগণ পারস্ত ভাষায় কসাইয়ের বর্ণনা কিরূপ করিয়াছেন? যে গোহত্যা করে তাহাকেই কি কসাই বলিয়াছেন? তাহা নহে। যাহার অন্তরে দয়া, মায়্যা, মমতা, কিছুই নাই, পর দুঃখে যাহার হৃদয় কাতর নহে, ব্যথা বোধ না করে,

তাহাকেই কসাই বলিয়াছেন, সে সঙ্গেই পাপ হৃদয়ের, কসাই হৃদয়ের তুলনা করি-
 যাছেন। মোসলমান কবিদিগকে সহস্র ধন্যবাদ! শাস্ত্রসঙ্গত কার্য্য বলিয়া তাঁহারা
 কসাইকে উচ্চাসনে বসাইয়া যান নাই। মহাঋষি, ষোগী, ঘোর তপস্বী বলিয়া
 সম্ভাষণ করেন নাই। কসাই নীচ, অতি জঘন্য, কসাইকে মনুষ্য দলের মধ্যে পরি-
 গণিত করেন নাই। গো-জীবন হত্যা করে বলিয়া এত অপমান, এত শাস্তি
 আজ পর্য্যন্ত ভোগ করিতে হইতেছে। কিন্তু গোখাদককে কেহ কিছু বলেন নাই।
 কি ভ্রম! কি ভ্রম! আহা! কসাই কি নিজ উদর গোমাংস দ্বারা পরিপূর্ণ করিতে
 গোহত্যা কবে? আপন সম্মান-সম্ভ্রম, পবিত্রাবগণের বসনা পবিত্রপি হেতু কি
 নিরাহ গোজাতিব গলায় ছুরি বসাইয়া থাকে? বাহাদুর জিহ্বা গোমাংসের
 জল লালিয়াত, বাহাবা গুরু হজ্রম করিতে পট্ট, তাহারা কসাইকে সম্ভবদাদ।
 যদি খাদক না জোটে, তবে খায়েব আমদানি কে করে? নিজেব খায়েব কে বলেব
 মহিব তাড়াস! মোসলমান ভ্রাতাগণ! অপরাধ মার্জনা করিবেন, কথ্যতেই কথা
 বাড়ে, তর্কহলে অনেক কথা আসিয়া পড়ে, এই মোসলমান একটা কথা আদিনি।
 যদি মোসলমান কবি কি লিখক মহামতিগণ কসাইকে মনুষ্য প্রকৃতি হইতে দূরী-
 ভূত না করিতেন, তবে আজ এই অধমেব সামান্য লিখনি গোখাদক ভ্রাতা-
 গণের মস্তকেব উপব সঞ্চালিত হইত না। আয়া কথা লিখিয়া স্বজাতীয় ভ্রাতা-
 গণের মনে বাধা দিতাম না। তাঁহারা গোমাংস পোড়া উদবেব সেবায় না লাগা-
 ইলে কসাই মচাশয় কখনি গোহত্যা করিতেন না। কসাই নামেব মপোষিত
 হইতেন না।

পাঠকগণ! মোসলমান শাস্ত্রে গোজাতিব জুনেব বাখ্যা নাই—স্বতবাং
 সাধাবণ পশু মধ্যে পবিগণিত।—উদরে পোষণে দোষ কি? একথাটা আমি
 হাতগড়া করিয়া উপস্থিত করি নাই। অত্রস্ত কোন মৌলবী মহামতির কথাব
 আভাষে বুঝিয়াছি যে, একথা ভিন্ন আর তাঁহাদের কোন কথা নাই। ঐ কথাটুকু
 আশ্রয় কবিয়াই গোধনের জীবন সংহার করিতে বাধা। ধর্ষেব দায় দিয়াই
 গোজাতিব সর্বনাশ করিতে অগ্রগণ্য।—প্রতিবাদ করিবেন। ভ্রাতাগণ! আমিও
 প্রতিবাদ প্রার্থনা করি। কিন্তু ঐরূপ প্রতিবাদ, কি সভা-সমিতির ভয়ে, এ অত্যা-
 চার, অত্যাচার, হৃদয় বিদারক, মর্শাহত, ভীষণ—মহাভীষণ ব্যাপারস্বরূপ—গো-
 হত্যা নিবারণ বিষয়, প্রস্তাব লিখিতে অধমের লিখনি ক্ষান্ত হইবে না। সেই কুপা-

ময় ভগবান রূপায়, গোকুল রক্ষা করিতে লিখনি যে সঞ্চালিত হইয়াছে, যতদিন ইহাব শেষ না হইবে ততদিন সমানভাবে চলিবে। আজ যদি সেই প্রাচীন নগর উল্লপ্রস্থব সিংহাসনে গোখাদক সমাটকে দেখিতে পাইতাম, কাজীসাহেবের দোরবার (চাবুক) ভয় আমার থাকিত তাহা হইলে এ প্রস্তাব জনসাধারণের গোচর করা দূবে থাকুক, মুখে অনিতেও পারিতাম না। এ ব্রিটিশ রাজ্য, ব্রিটিশ-সিংহ ইহাব শাসনকর্তা, ল্যাখ্য কথা বলিতে কোন বাধা নাই—ভয়েরও কোন কারণ নাই। স্তবরাং লিখনি ক্ষান্ত হইবার নহে। আমাব পৌর হইতেছে স্থানীয় মোসলমান ভ্রাতাগণ ঐ এক কথা বলিয়াই সবিস্ময় পড়িবেন, আমাব প্রস্তাবের সত্যাসত্য বিষয়ে কোনকথা আলোচনা বোধহয় না করিলেও কবিত্তে পাবেন। যাহা হউক গোজ্ঞাতির উপকাপিতা বিষয় হিন্দুশাস্ত্র সংগত মাত্র দুইটি বচন মহাশয় সাধাবন সম্মুখে উপস্থিত হইয়া গলবস্ত্রে এং কবরোধে সবিনয়ে প্রার্থনা কবিত্তেছি যে, ভ্রাতাগণ আপনাবাও কি এ সময় নাব থাকিবেন? আমাব প্রস্তাবে পৌর-কর্তায় লিখনি সঞ্চালন কবিবেন না? অগাধ্য প্রদেশে হিন্দু মোসলমান একত্র হইয়া গোবন রক্ষাব জয় কত কি উপায় কবিত্তেছেন। টাঙ্গাইল মহকমাব হিন্দু ভ্রাতাগণ! এ বিষয়ে কি এতদূরবেই নাব থাকিবেন? অগাধ্য স্থানে হিন্দু মহোদয়গণই ইহাব প্রধান নেতা হইয়া কার্যক্ষেত্রে অবতীর্ণ হইয়াছেন, টাঙ্গাইলের শুভভাগে তাহাব বিপরীত। লিখক মোসলমান, পত্রিকাখানিও মোসলমানের, এমন স্রযোগ কি আর পাওয়া যাইবে? হিন্দু ভ্রাতাগণ! ইহা কি আমাব আক্ষেপের বিষয় নহে? খাদক রক্ষাব কান্না কাঁদিত্তেছে, ‘আহমদী’ অস্ত্র চালিয়া দিয়াছে, মোনায় মোহাঙ্গা মিশিয়াছে। কিন্তু আপনাব নাব! দেখুন তো আপনাব শাস্ত্রে কি বলে।

“লোকে হম্মিনমঙ্গলানগুষ্ঠৌ ব্রাহ্মণৌ গোহৃৎশনঃ

হিবণাং সগি বারিত্তা আপোরাঙ্গা তথাষ্টমঃ।

এতানি সত্তং পশ্চেন্নম সোবর্চ্ছায় চ্ষয়ং।

প্রদহিণঞ্চ কুর্কত তথা চামুর্ণ হীয়তে॥”

‘ব্রাহ্মণে, গো, অগ্নি, স্তবর্ণ, ঘৃত, সূর্য্য, জল এবং রাজা—এই অষ্ট প্রকার মঙ্গল পদার্থ সর্বদাই ইহাদিগকে দেখিতে হইবে, নমস্কার করিতে হইবে, অর্চনা করিতে হইবে, আর প্রদক্ষিণ করিতে হইবে। সমান যত্ন করিতে হইবে, আদর করিতে হইবে, কেননা সকলেই আমাদের মহোপকারী।’

আবার দেখুন !

“গোমুত্রঃ গোময়ঃ ক্ষীরং সপিদধিরোচনা ।

ষড় মেতদধি মাঙ্গলাং পবিত্রং সর্বদা গবাং ॥”

“গোমুত্র, গোময়, গব্যামৃত, দধি এবং গোচনা এই অষ্ট প্রকার গব্য দ্রব্যই শুভ । হিন্দুর সকল প্রকার শুভকর্মে ইহার প্রয়োজন ।”

এইরূপ বচন হিন্দুশাস্ত্রে শত সহস্র রহিয়াছে । সে সমুদায় বিবৃত করা আমার অনধিকার চর্চা । তবে নিতান্তই দুঃখের বিষয় যে, মোসলমান তাহার শাস্ত্র বজায় রাখিয়া গোবধ জন্ত চাঁৎকার করিতেছে, টাঙ্গাইলের হিন্দু ভ্রাতাগণ নীরব ! ভ্রাতাগণ ! জানিবেন ভারতে হিন্দু মোসলমান একত্র হইয়া একযোগে কোন কাৰ্য্য না করিলে কখনই তাহা সিদ্ধ হইবে না । একপক্ষ শতবর্ষ কথা কুটিলেও ঈশ্বর সদয় হইবেন না । অতএব এই পরামর্শ !

তৃতীয় প্রস্তাব

গোমায়স

খাও অখাও স্খাও । —যাহা সকলেই খায় তাহাই সাধারণ খাও । যাহা কোন মানুষে ভক্ষণ করে না । —তাহাই অখাও । কচি ভেদে, কাহারও অখাও, কাহারও স্খাও । কুকুর, বিড়াল, শূগাল, ভেক, ব্যাঘ্র, ছাবপোকা কাহারও স্খাও কাহার অখাও । গরু কাহারও খাও, কাহারও অখাও । ছাগ, মেঘ, মহিষ, বরাহ প্রভৃতি কাহারও অখাও আবার কাহার কাহার উপাদেয় খাও । এই সকল গোলযোগে, যাহা সকল মানুষেই খায়, কি খাইতে ঘৃণা না করে, কোন প্রকার অন্তরেণও কারণ না হয়, তাহাকেই খাও বলিয়া নির্দিষ্ট করিতেছি । অখাও যাহা কোন মানুষে খায় না । স্খাওয়ের কথাতো পূর্বেই বলিয়াছি । এইক্ষণে কথা এই— দেশ, কাল, পাত্র, বিবেচনা করিয়া খাওয়ের ব্যবস্থা করা আবশ্যিক । পাকস্থলির পেষণশক্তির শক্তি বুঝিয়াই উদর পূর্ণ করা উচিত । আমরা বঙ্গবাসী । আমাদের সাধারণ খাও কি ? দশে পাঁচে একদিন কি কুটুম্ব স্বজন, বন্ধু বান্ধবদিগের আগমন উপলক্ষে আমরা যে খাওয়া-দাওয়া করি তাহাকে সাধারণ খাও বলিতে পারি না । সদা সর্বদা যাহা খাইয়া থাকি, সেই খাওই যথার্থ খাও । বঙ্গের জল, বায়ু, তাপ এবং মৃত্তিকার প্রতি লক্ষ্য রাখিয়া যথার্থ খাও নির্দেশ করিতে হইলে, স্বাস্থ্য রক্ষা করিয়া খাও নির্বাচন করিতে হইলে, একেবারে তেলেবেগুনে জলিয়া না উঠিয়া,—গরু খাইতে বারণ

কবে, এত বড় কথা ? —ইহাতেই আগুন না হইয়া শান্ত এবং শীতল হইতে পারে। না খাইলে না চলে, আমরা তো খাইয়াই থাকি—আব কথা কি ? যাহারা এই বঙ্গরাজ্যে গোমাংস ভক্ষণ করে না, তাহাদের ও আমাদের কোন বিষয়ে যদি তারতম্য কি পার্থক্য থাকে, কি গোমাংস প্রভাবে আমরা তাহাদের অপেক্ষা কিঞ্চিৎ পবিমাণে লাভবান বা বলবান হইয়া থাকি, কি কালে হইতে পারিব, তবে গোমাংস কেন ছাড়িব ? এইক্ষেণে দেখা আবশ্যক, বর্তমান জলবায়ু, তাপসম্বৃত বঙ্গরাজ্যে আমাদের খাওয়া কি গোমাংস ?—না একথা স্বীকার করিতে শাবিলাম না। যে মৌলবী সাহেব গোমাংসের জ্ঞাত এত লালামিত, এক টুকরা গোমাংসের জ্ঞাত যাহাদের এত জেদ এত প্রতিবাদ, পর্যন্ত বলুন তো প্রতিদিন দুবেলা কি তাঁহারা নাহা খাইয়া থাকেন ? প্রতি সন্ধ্যাই কি গোমাংসে ক্ষুধা নিবৃত্তি করেন ? না প্রতি সন্ধ্যাতেই গোমাংস বানজনে অন্ন রনজিত করিয়া থাকেন ? না সমুদ্রের তটদেশে একদিন গোমাংসের স্বাদে রসনা পরিতৃপ্তি করেন ? না প্রতি সন্ধ্যা খাইতে ইচ্ছা করেন ? ধর্মের দোহাই—মিথ্যা বলিবেন না। প্রতি সন্ধ্যা গোমাংস বানজন পূর্ণ বাটী সম্মুখে দেখিলে মনে কি বলে ? চক্ষু কি দেখিতে ইচ্ছা করে ? না হাতে তুলিয়া মুখে দিতে ইচ্ছা হয় ? প্রতিদিন যে খাওয়াইতেছেন, যথা ভাত, ডাইল, তরকারী, দুধ, মৎস্য ইত্যাদি। ইহা তৃপ্তিকর এবং কৃত্রিম। প্রতি সন্ধ্যা না হয় প্রতিদিন এই সকল খাওয়া উদ্ভব পবিপূর্ণ করিয়া জীবন বক্ষা করিতেছেন : বলুন তো কোনদিন কি ঘুমা হইয়াছে ? না হইবে ? যদি গোমাংস খাওয়া হইত, যদি গোমাংসই জীবনোপায়ের একমাত্র উপায় হইত, যদি বঙ্গবাসীরা খাওয়া হইত, তবে প্রতিদিন রন্ধনশালায় দেখিতাম, প্রতি সন্ধ্যায় অন্নের সহিত প্রতিযোগিতায় একত্র দেখিতাম, প্রতি গ্রামে হস্তে দেখিতাম, পাতে দেখিতাম, মুখে দেখিতাম। চক্ষু ও জুড়াইত, মনও ভালবাসিত। ইহাতেই তো বলি মন স্বাধীন। সে না লিখকের লিখনিকে ভয় করে, না মৌলবী সাহেবের অথবা ক্রোধে ভয় করে—প্রকৃতি কাহারও নিকট কোন উপদেশ লইয়া কোন কার্য করে না। স্বভাবের বৈপরিত্যেও সহজে ঘটে না। জোর জব্বাবে ঘটাইবার চেষ্টা করিলেও টেকেনা ? যিনি আহাবদাতা, যিনি আমাদের রক্ষাকর্তা, যিনি খাওয়াখাওয়ার সৃষ্টিকর্তা, তাঁহার বিবেচনায় ভুলভ্রান্তির অতি ক্ষুদ্র অংশের ক্ষুদ্র অংশও যে আছে, আমি একথা বিগম করি না। মনযোগ

সহকায়ে একটুকু চিন্তা করিবা। দেখিলে সহজেই বোঝা যায়, তাঁহার অভিপ্রেত তাঁর অতি সহজেই জ্ঞানগোচর হই। তিনিই দেশভেদে খাণ্ডের প্রভেদ কবিয়াছেন। প্রচুর পরিমাণ খাজ আমাদিগকে অর্পণ করিয়াছেন। তাঁহার নিয়োজিত খাজাই আমাদিগের কচিকর ও তুস্তিকর। গোমাংস খাওয়াই যদি আমাদের কর্তব্য হইত, তবে এত স্বাস্থ্য ফলমূল শস্যাদি দ্বারা বঙ্গক্ষেত্র পরিপূরিত করিতেন না। —নদী জলেও এত মৎস্য জন্মিত না। যে দেশে যাহা প্রয়োজন, সে দেশের স্ত্রী করুণাময় ভগবান তাহা অপব্যাপ্তরূপে দান করিয়াছেন। বঙ্গের থাকিয়া কি ইউরোপীনের খাণ্ডের অনুকরণ করা উচিত? না আরববাসীদিগের আহাবের দৃষ্টান্ত দেখাইয়া উদ্ভব পূর্ণ করা বিধেয়? দেশভেদে আহাবের প্রভেদ—ইহা অবশ্য স্বীকার্য।

কাল--অর্থাৎ সময়। বঙ্গবাসী মোসলমানদিগের এমন দুঃসময় কি উপস্থিত হইয়াছে যে, গোমাংস না খাইলে আর জীবন রক্ষা হয় না? এমন কোন সময় কি উপস্থিত হইয়াছে যে, অনাহারে মরি মরি হইয়া, না খাইতে পারিয়া প্রাণপাথি দেহদিনজর হইতে উড়ি উড়ি হইয়া, গোমাংসে শুধু গোমাংসে প্রাণ রক্ষা হইয়াছে, জীবনশক্তির শক্তি বৃদ্ধি হইয়াছে? দুর্ভিক্ষ উপস্থিত হইলে আমরা কিসের অভাও মনে করি? কোন জিনিসেও অভাবজনিত আমাদের কষ্ট বোধহয়? অন্নের—না গোমাংসের? বৎ কোন কোন সময় দুই একজন অর্গ-শালী ভোগবিলাসী মহোদয়ের মুখে শুনা যায় যে, এবারে জলে মাছ নাই। ডাক্তার গোমাংস নাই,—একথা বলিয়া কোন মোলবী সাহেব কবে আক্ষেপ কবিয়াছেন? কোন ভাতা গোমাংসের অভাবে দুঃখ প্রকাশ করে? রাজদ্বারে সাহায্য প্রার্থনা করেন? ইহাতেও কি বলিব যে গোমাংস আমাদের খাজ। এ সময়ে, এ দুঃসময়ে গোমাংসই জীবনের জীবন, শবীর পোষক, এবং দুর্ভিক্ষ নিবারক?

এখন পাত্র হইয়া বড়ই বিপদে পড়িলাম। খাঁই গঙ্গা, পদ্মা, যমুনা, ব্রহ্মপুত্র, পচা বিল কি পাতকুয়ার জল! বায়ু সেবন করি খাণ্ড জঙ্গলের, পাট ক্ষেত্রের, না হয় ধানের মাঠের। থাকি খড়ো ঘরে। চলাফেরা করি সৈঁতসৈঁতে ভিজ-মাটি, জল কাদার উপরে। শরীরের গঠন ও আয়তন তেমনি। অস্থি, পেশী-শক্তিও তথৈবচ। সাহসের তো কথাই নাই। পাকযন্ত্রের অগ্নির তেজ, ধারণা ও ক্ষমতার কথা আরকি বলিব। চাল ভাল করিয়া সিদ্ধ না হইলেই মারা গিয়াছি।

—হাতেব জল আৰ শুষ্ক হয় না । দুগ্ৰাস বেশী গলাধ কৰিলেহ পোম ফাটনিম প্ৰাণ
 আই-আই কুৰিতে থাকে পাথৰচুণীৰ পাতা আৰ লবণেৰ দ্ৰবকাৰ হয়। বড়ে।
 ক্ষমতানুসাবে হজমিগ্ৰনলিৰও আশ্ৰয় লইতে হয়। এমন জীৱ শক্তি-বৰ্ণিত মহা-
 পুৰুষেৰা গোমাংস ভঞ্জেৰ উপযুক্ত পাত্ৰ না হয়। আৰ কে হইবে? গোমাংস
 সহজে পৰিপাক হয় না। অল্প জালেও সিদ্ধ হয় না। সিদ্ধ হইলেও টানিয়া ছেঁড়া
 যায় না। ছিঁড়িলেও আবার দন্তেৰ এমন শক্তি নাই যে, উপযুক্ত মত পিষিয়া
 সহজে পৰিপাকৰ উপযুক্ত কৰিয়া দেয়। পাকযন্ত্ৰেৰও পেষা-শক্তি এত প্রবল নহে
 যে, যথার্থ খাগেৰ জায় উহাকে যথা সময়ে পৰিপাক কৰিয়া ফেলে। গোমাংস
 খাইলেই পেটের অস্থখ, দাঁতেৰ অস্থখ, তাহাব পর গায়েৰ জালা, মুখকান্তিৰ,
 বিকৃতি শব্দেৰেৰ লাবণ্যহীন,—এতো ধৰাইবা কথা। তাহাৰ উপৰ মহাব্যাধি।
 আৰ চাই কি? দশটি কুষ্ঠ বোগাক্ৰান্ত লোকেৰ পরিচয় লইয়া দেখিবে তাহাৰ
 মধ্যে কয়জন হিন্দু আৰ কয়জন মোসলমান? দেখুন দেখি কেমন লাভ। এত
 উপকাৰ সাহাতে, তাহা কি প্ৰাণ বৰিণ ছাড়া যায়? আৰ একটি কথা বলিয়াই
 প্ৰস্তাব উপসংহার কৰিব। বঙ্গদেশে বাস কাৰ বঙ্গের চিকিৎসা-শাস্ত্ৰ কাকেৰেৰ
 শাস্ত্ৰ—তাহা তো স্পর্শই কৰিব না। ভাঙা হৈ মতশূ তাহাই! —এপিট আৰ
 ওপিট। হাকিমি মতে অবশ্যই ভক্তি আছে। ইউনান (গ্ৰীস) নিকটে না ইউক,
 জলবায়ুৰ সহিত সমতা না থাকক, তথাচ আমবা বাদশাৰ জাত বাদশাই
 দাক, বাদশাই মতের গ্রহেই মাননীয়। ভাল কথা—আমিও স্বীকার কৰি। ইউনানে
 হাকিমি মতের সৃষ্টি, স্তব্ধতাং মেহমতের চিকিৎসা-শাস্ত্ৰই সৰ্বাগ্ৰে গণ্য। মানিলাম
 তাহাই মানিলাম। আত্মগণ। সেই হাকিমি মতের বস্ত্তিচাৰ গ্রহে গোমাংসেৰ
 গুণাগুণ কিৰূপ বৰ্ণিত হইয়াছে অনুগ্রহ কৰিয়। একবাব পাঠ কৰিয়া দেখিবেন।
 যদি মূৰ্খতা দোষে সে গ্রন্থ পাঠেৰ শক্তি না থাকে তবে কোন হাকিমকে জিজ্ঞাসা
 কৰিয়া দেখিবেন, গোমাংসেৰ গুণাগুণ বিষয় জিজ্ঞাসা কৰিয়া দেখিবেন তিনি কি
 বলেন। মনাধাৰে হাৰগাঁথা এক প্ৰকাৰ কুমি, কোন মাংসে জন্মিয়া থাকে? বাত-
 ৰোগেৰ জন্ম কোন মাংসে বেশী হয়? স্বভাবে বাধা দিতেছে, রসনা অকুচিৰ কথা
 কহিতেছে, মহাপ্ৰাণী অস্বীকার কৰিতেছে, চক্ষু দেখিতে বিরক্ত হইতেছে, দন্ত-
 ব্যাধিগ্রস্থ হইতেছে, পাকস্থলি পরিপাকে অশক্ত হইতেছে। —মনেৰ বিকায়েই
 ভগবানেৰ আভাস পাওয়া যাইতেছে। তবু বলিব? তবু স্বীকার কৰিব যে

গোমাংস বন্ধ করার খাণ্ড ? ভুগিতেছি, মরিতেছি, স্বচক্ষে ফলাফল দেখিতেছি, গোমাংস ভক্ষণের বিষময় ফল প্রত্যক্ষ প্রমাণ পাইতেছি, তবু গোমাংস জন্ত যে জিহ্বা লক লক করে, যে জিহ্বায় রস পড়ে, দিক তাহাকে ! শতধিক ।

আবার আমার কায়কটি কথা

বিগত পৌষ মাসেব আখ্ বাবে এসলামীয়া পত্রিকায় “গোমাংস” প্রস্তাবেব যে প্রতিবাদ প্রকাশ হইয়াছে তাহা গো-জীবনে গৃহীত হইল । সমুদায় প্রস্তাব ও প্রতিবাদ পুস্তকাকাবে মুদ্রিত হইয়া বিনামূল্যে বিতরিত হইলো । নাগ-অনাঘ সাবাস্তে বিচারেব ভার পাঠকগণের হস্তে । লিখকেব নাম, ধাম, পরিচয়ের জ্ঞান কেহ বাস্তব হইবেন না । শীঘ্রই স্পষ্টভাবে দেখিতে পাইবেন ।

যে প্রতিবাদে হিংসাব আভাস, দ্বেষেব অপছায়া, অপকথাব স্প? আভা দেখা যায়, সেখানে লিখক নীরব । কিন্তু এক্ষেত্রে নহে । প্রতিবাদেব প্রতি কথার উত্তর পাইবন । ঈশ্বর ইচ্ছায় প্রতি ছুত্রে ছুত্রে নক্ষত্র দেখিবেন । এ ব্রিটিশ রাজ্য, ব্রিটিশ বিচার, ধর্মাসনে ত্রাযদণ্ডের নিবপেক্ষ, প্রতিভা প্রভাবে প্রমত্ত ক-নজরকেও ক্ষুদ্রপ্রাণী মশার হস্তে পবাস্ত হইতে দেখা যায় কে বলিতে পাবে কাহার ভাগ্যে কি আছে । ঈশ্বর মহাশয়, এলাহী ভবসা, ভগবান ক্ষমক ।

গো দুগ্ধ

দুগ্ধ জীবের জীবন । বিশেষ মানব জীবনের জীবনীশক্তিব উপকরণ । দুগ্ধের সহিত মানুষেব এমনি সম্বন্ধ যে দুগ্ধ নামেই ভক্তির উদয়—দুগ্ধ নামেই মহা-প্রাণী শীতল । দুগ্ধই যেন প্রাণ, দুগ্ধই যেন জীবনের জীবন,—ভারতবাসীর স্বর্গীয় স্তম্ভ । কোন কোন দেশে ছাগ, গর্দভ, মহিষ, উষ্ট্র, প্রভৃতিব দুগ্ধও উদরে স্থান পায়, কিন্তু গো দুগ্ধ আমাদের যত প্রয়োজন, যত প্রকার স্থাণ্ডের স্থল ও মূল উপকরণ, অগ্নি দুগ্ধ সে প্রকার নহে । বিশেষ গর্দভ দুগ্ধ সর্বজন মুখপ্রিয়, কি সর্ববাদী সম্মত নহে । কোন কোন পীড়ার মহৌষধ হইলেও শাস্ত্র বর্জিত ! স্বতরাং গো দুগ্ধই সর্বাগ্রগণ্য । যে দিন ভারতসম্ভান জননী উদর হইতে জন্মগ্রহণ করিয়া জগতের জনসংখ্যা বৃদ্ধি করিয়াছে, সেইদিনে, সেই সদ্যপ্রসূত সম্ভানের জীবনীশক্তিব বৃদ্ধি-হেতু গো দুগ্ধেরই আশ্রয় লইতে হইয়াছে । জীবন পর্যন্ত প্রায় প্রতিদিন প্রতি সন্ধ্যা আহারের উপাদেয় উপকরণ হইয়া, নানা আকাবে, নানা প্রকারে অথবা কাহার সঙ্গে মিশিয়া আত্মার বল, হৃদয়ের বল, শরীরের বল, মস্তিষ্কের বল, সবল-

রূপে পরিবর্তিত করিতেছে : রাজাধিরাজ মহারাজের স্তবনজিত বন্ধনশালা হইতে, দরিত্রের পর্ণ কুটিবস্ত্র ক্ষুদ্র পাকপাত্র পর্য্যন্ত বিবিধ প্রকারে, গো দুগ্ধ প্রবেশ করিতেছে। ইহার নিকট জ্ঞাতিতেদ পরাস্ত, পুণ্য অ-রুচি লজ্জিত, হিন্দু মোসল-মানের নিকট সমভাবে সমাদৃত। সম্প্রদায় প্রভেদে ভারতে খাদ্যাদির বিশেষ বিভেদ আছে, কিন্তু দুগ্ধের নিকট বিধানকতার হস্ত সঙ্কোচিত, মস্তিষ্ক অবনত। যে হিন্দু গোমাংসের কথা শুনিলে কর্ণে হাত দিতেছেন, তিনি গোরসে মস্ত। আবার যে মোসলমান গোমাংস জন্তু জিহ্বার গুল ফৌটায় ফেলিতেছেন, তিনিও গোরসে লালায়িত। দয়াময় ভগবান সাব অংশ, তৈল অংশ, মধুর অংশ এবং জল অংশ—এই কয়েক অংশ ছাড়া দুগ্ধের সমষ্টি করিয়া অপাৰ লীলা দেখাইয়াছেন। শুধু মাংস আহাব কবিয়া বাঁচিয়া থাকিতে পারে না। এমন কোন খাদ্য নাই যে সেই একমাত্র খাদ্য গলাদ কবিয়া শরীর বক্ষা হইতে পারে, প্রাণ বাঁচাইতে পারে। সে গুণ, সে ক্ষমতা কেবল একমাত্র দুগ্ধে। পবিত্রতার গুণই বা কত বলিব, —কাফেবের হস্ত হইতে মৌলবা গ্রহণ কবিতেছেন, চণ্ডালের হস্ত হইতে ব্রাহ্মণে লইতেছেন। কাহারও মনে দ্বিধা নাই, কোনরূপ ঘণার কথা মুখে নাই। গোমাংস যেমন, সম্প্রদায় বিভেদে ঘণাই, তেমনি গোদুগ্ধ মনুষ্য মাত্রেই স্বাদবের। ভারতের একপ্রান্ত হইতে অণুপ্রান্ত যাপ্ত, খাদ্যাখাদ্যের বিভিন্নতা অর্থাৎ গ্রহণ বর্জন এবং রুচি-অরুচি, সকলি দেখিতে পাইবে, কিন্তু দুগ্ধ সহস্রক্ষে সেই এককথা, সেই একমত, সেই একভাব। কেহই দুগ্ধের বিরোধী নহে, কোন সম্প্রদায়েরই পরিত্যাজ্য নহে। স্বাস্থ্যে অস্বাস্থ্যে, শীত গ্রীষ্মে, সর্বকালে সেই স্বর্গীয় স্নান রুচিকর ও তপ্তিকর। যে সকল সাহেবগণ গোকুল নিমূল করিতে স্তম্ভাক্ষ ছুরিকা হস্তে দণ্ডায়মান হইয়া-ছেন, তাঁহারও দুগ্ধকে পবিত্র খাদ্য মনে কবিয়া সাদরে গ্রহণ করিতেছেন, অন্ত-রাত্না শীতল হইতেছে। শাস্ত্রে দায়দিয়া দুগ্ধের বাটটি পর্য্যন্ত ধুইয়া উদরে ঢালা হইতেছে। শাস্ত্রে আছে—সে সময় “হজবত নূবনবী মোহাম্মদ মুস্তফা” সেই অনন্তকৌশলীর অনন্তলীলায় মর্ত হইতে সপ্ততল বিমান অতিবাহিত কবিয়া পবিত্র অনন্তধামে দয়াময়ের দরবাবে স্ব-শরীরে বিঘোর নিশীথ সময়ে “বোরাক আবোহণে” (স্বর্গীয় বাহন) অতি মূর্ত্তে নীত হইয়াছিলেন—বলিতেও অশ শিহরিয়া উঠে—সে মহাপবিত্র পূণ্যধামেও দুগ্ধেরই প্রাধাত্যের কথা শুনা যায়। প্রিয় প্রণয়ীর অভ্যর্থনা হেতু পাত্র পূর্ণ দুগ্ধই সম্মুখে উপস্থিত হইয়াছিল। আশ্চর্য্য! স্বর্গমর্ত্তে সমান আদর? ধন্য ভগবানেব লীলা ও মহিমা!

গো-খাদক কসাইগণ, গোমাংস পূর্ণ বাটী প্রতিদিন অন্নের সহিত দেখিতে নারাজ। আবাব কিন্তু দুগ্ধ পূর্ণ বাটী প্রতি সন্ধ্যা আহারের সময় সম্মুখে পাইলে আব রক্ষা নাই—বাটী বৌত জল পর্য্যন্ত উদবে স্থান পায় ও মহা-পবিত্রোষ জন্মে। শয্যাধাবা জ্বরবোগীর যেমন দুগ্ধের প্রয়োজন, বলবীৰ্য্যশালী বণমন্ত বীরপুরুষেবও সেইরূপ আবশ্যক। প্রতিদিন এক বানজন, এক মাংস, এক ডাইল, এক তবকারী একই খাদ্য দ্বারা জীবাত্মা কখনই সন্তোষ জন্মে না,—কিন্তু দুগ্ধ দাচ্যাব বিপবীত। অনেক মনোদয়কেই এক সন্ধ্যা দুগ্ধের অভাবে দুঃখ প্রকাশ করিতে দেখা যায়, গোবস উদবে না গেলে অপকারেব কথাও সময় সময় শুনা যায়। সামান্য কথায় বলে যে, সাত সন্ধ্যা দুগ্ধ বা দুগ্ধ সংযুক্ত কোন দ্রব্য না খাইলে চক্ষের জ্যোতিঃ হ্রাস এবং উদবতস্থী অনীরদ্র প্তিহে পবিত্র হয়। উদব সেবায়, বন্ধু সেবায়, দেব সেবায় সৰ্ব্ব সেবাইতেই গবাব সেবায় আয়োজন ও প্রয়োজন। বোগী বোগশয্যায় শায়িত, মুহূর্ত্ত মধ্যেই ভবযন্ত্রণা হইতে মুক্তি পাইবে, বমদূত দণ্ডায়মান।—চক্ষু জ্যোতিঃহীন।—তারায় নীলিমা বেথা,—জিহ্বা জড, হস্তপদ অবশ, নিঃশ্বাসেই আশা,—পারজন শিয়বে এবং পাশে স্নানমুখে। ঐযধে ক্ষান্ত। যম তাড়না অস্থির। হৃদয় শুষ্ক, কণ্ঠ নারস।—হাযবে! সে সময়েও দুগ্ধ স্বাদ গ্রহণে ইচ্ছুক। জগত ছাড়িয়া যাইতেছে, প্রাণবিহীন দেহপিঞ্জর হইতে উড়িয়া পলাইতেছে, প্রাণীনেরা ঈশ্বরের নাম করিতেছে, আত্মীয়-স্বজনেরা সে নিদারণ সময়েও বোগীব মুখে দুগ্ধপাত্র ধরিতেছে। গলাধ কবিবার শক্তি নাই, গণ্ড বহিয়া পড়িতেছে। বাটী বাটী গোমাংস খবে খাকা সত্ত্বেও চেতনা শূন্য শয্যা ধরা, প্রায় মবাব বোগীব মুখে কেই এক টুকবাব গোমাংস তুলিয়া দিতেছে না। গোরসই ধারক, বিবেচক এবং শেষ তৃষ্ণা নিবাবক। ভ্রাতাগণ! বলুন তো: মূলে কঠাবাঘাত করিলে কি আর ফল লাভেব আশা থাকে? গোকুল নিমূল করিলে কি আর দুগ্ধেব দ্বাবা জীবনের ঐষ তৃষ্ণা নিবাবণেব উপায় থাকে?

আখবাবে এম্লামীয়া—মাসিক পত্রিকা। টাঙ্গাইলের অন্তঃগত করটীয়া আহমদীয়া প্রেস হইতে প্রকাশিত। প্রিন্টার মীর আতাহার আলী, সম্পাদক মৌলবী নইমদ্দীন। ১২২৫ সনের শ্রাবণ মাসেব পঞ্চম ভাগ চতুর্থ সংখ্যায় নিম্নলিখিত প্রতিবাদ প্রকাশ হইয়াছে

গোকুল নির্মূল আশঙ্কা প্রবন্ধের প্রতিবাদ

আমাদের গোকুল নির্মূল নথকে একটি প্রবন্ধ পড়িয়া আমরা নীরব থাকিতে পারিলাম না। অল্লা চাহে এ নথকে পৃথকরূপে কিছু লিখিব, এবার এন্সলামীয়াব একটি প্রিয়বন্ধু প্রোদিত প্রবন্ধটি প্রকাশ করিলাম।

সম্পাদক মহাশয়।

গৌরধ সম্বন্ধে ভাবতব নানা স্থানে বাস্তবিকই আন্দোলন চলিতেছে, তাহাতে আপনি বলেন 'কোন সম্প্রদায়েব মধ্যেব সহিত সংযোগ স্বতবাং আমি নীবব' কেবল আহমদাব কোন প্রিয়বন্ধুব অন্তবোধে প্রবন্ধ প্রকাশ করিতেছেন। গৌরধ-বক্ষক মহাশয় যে কোন সম্প্রদায়ভুক্ত তাহা আপনি বিশেষ অবগত আছেন। যদি তিনি খ্রীষ্টিয়ান এবং মুসলমান না হন, তবে আমরা তাহার প্রবন্ধের প্রতিদ্বন্দ্বী নহি। যদি বাস্তবিকই তিনি মুসলমান হন তবে তাহার প্রত্যেক কথাব উত্তর না দিলে আমরা শাস্ত্রানুযায়ী অপবাদী। অতএব তাহার প্রত্যেক কথাব ক্রমশঃ প্রতিবাদ করিতে পারা হইল।

১। গৌরধবক্ষক মহাশয় আদৌ গোকুল নির্মূল আশঙ্কা শীর্ষক স্থলে ব্যবহার করিতে পারে না। তাহার মনে রাখা কর্তব্য যে ভাবতবাসীর উপজীবিকা এবং ধনপ্রাপ্তি অবিকারশ গোজাতিব প্রতি নির্ভর, সেই গোজাতিকে সম্প্রদায় বিশেষে যে একেবারে নির্মূল করণ ইচ্ছা আছে তাহা কখনও সম্ভবে না। কোন কোন জাতি গোমাংস ভক্ষণ করে বলিয়াই যে গোজাতি সমূলে নির্মূল হইবে তাহার কথা কি? গো মিনে আজকাল নূতন আবস্থাঃ নাই, বহুকালাবিধি গো নিধন চলিয়া এককাল মধ্যে যখন গোধনেব কিছুমাত্র অপচয় হয় নাই তখন তাহার আশঙ্কাই বা কেমন? কে গোজাতিকে পরম শত্রুজ্ঞানে বংশ নিপাতার্থে বধ করে না। যেমন মাঝে মাঝে গৌরধ হইয়া থাকে তেমনই অনবরত গো বর্ধনও গোজাতিব উন্নতিব জন্য শত শত চেষ্টাও হইয়া থাকে। একদিকে আংশিক ক্ষয় অপবদিকে প্রচুর বৃদ্ধি।

২। গৌরধবক্ষক মহাশয় যে স্বয়ং মুসলমান নহেন তাহা তাহার আপন কথাতেই সমপ্রমাণিত হইতেছে। তিনি বলেন, "আমি মুসলমান, গোজাতিব পরম শত্রু, গোমাংস হজম করিতে পারি ইত্যাদি" এই ভান করিয়া মৎস্য আত্মার পরিচয় দিতেছেন। যিনি মুসলমান হইবেন তিনি কখনও আপন শাস্ত্রমোদিত হালাল বস্তুর প্রতি ব্যঙ্গজনক উক্তিতে ঘৃণা ও উপহাস বাক্য প্রয়োগ দ্বারা

জাতিস্বপ্ন নিষা কাকের শ্রেণীতে গণ্য হইবেন না। অতএব তিনি মুসলমান নহেন।

৩। তিনি বলেন, “পালিয়া পুষ্টিয়া বড় বলদের গলায় ছুরি বসাইতে পারি।” তিনি মুসলমান হইলে অবশ্যই অবগত থাকিতেন যে তাঁহারা কোন প্রকারের বলদের গলায় ছুরি বসাইয়া থাকেন। তাঁহারা বলিষ্ঠ কার্যাপযোগী বড় বলদের গলায় ছুরি বসান না।

৪। মুসলমানগণ কখনই দুগ্ধবতী গাভী ও দুগ্ধপায়ী বৎস জবাহ কবে না, প্রয়োজন মতে তাহারা বন্ধা গাভী অথবা দুগ্ধ দেওয়ার অল্পপযুক্ত গাভী জবাহ করিয়া থাকে। গোবংশ বক্ষক মহাশয় যদি মুসলমান হইতেন বা মুসলমানের সন্নিহিত বাস করিতেন তবে গোমাংস ভক্ষণের প্রণালী বিশেষরূপে অবগত থাকিতেন। কোরাণে অনেকস্থলে ‘কোরবানি’ শব্দ উল্লেখ আছে, তৎপরিবর্তে তিনি ‘বলি’ শব্দ ব্যবহার করিয়া আসিতেছেন। বোধকরি আশৈশব তাঁহার বলি এবং কাটাছিড়ার অভ্যাস, অতএব তিনি যে মুসলমান নহেন তাহাতে সংশয় কি?

৫। তিনি বলেন, যাহা ন্যায় চক্ষু দেখিতেছি, যে ব্যক্তি মুসলমান শাস্ত্রে ও ধর্ম্মে দীক্ষিত বলিয়া আপনিই স্বীকার করিতেছেন ও আবার তিনি সেই ধর্ম্ম শাস্ত্রানুমোদিত বিষয় বিশেষের অগ্নায় প্রতিবাদে প্রবেশ করিয়াছেন এবং যাহার আপন ধর্ম্মের প্রতি আস্থা নাই তাঁহার আবার ন্যায় চক্ষু কোথায় ধর্ম্মের সহিত ন্যায়ের নৈকট্য সম্বন্ধ।

৬। লিখক বলেন, “প্রিয় মৌলবী সাহেব মার্জনা করিবেন।” মৌলবী সাহেব! আমি আপনাকে মার্জনা করিতে পারি না। আপনি যে বিষয়ের আন্দোলনে প্রবৃত্ত হইয়াছেন তাহার সহিত ধর্ম্মের অনেক যোগাযোগ বহিয়াছে। অতএব আপনি সম্পূর্ণ মার্জন্যের অযোগ্য। আমি পূর্বেই বলিয়াছি যদি আপনি মুসলমান না হন তাহা হইলে আপনার প্রবন্ধের উত্তর দিতে বাধ্য নই। যদি মুসলমান বলিয়া দাবি করেন তবে আপনার প্রকৃত মুসলমানীয় দাবির কি সত্ত্ব আছে অগ্রে প্রমাণ করিয়া বলুন তাহাতে যদি আপনাকে প্রকৃত মুসলমান বলিয়া প্রতিষ্ঠা জন্মে তবে এ সম্বন্ধে কতওয়া (পাতী) প্রদান করিতে বাধ্য নতুবা আমার নিরব থাকাই ভাল। মুন্সীসাহেব যাহা বলিতেছেন তাহাই একটুক মনযোগ পূর্বক শ্রবণ করুন।

৭। লিখক বলেন, “প্রিয় মুন্সীসাহেব ক্ষমা করিবেন।” মুন্সীসাহেব! আপনাকে ক্ষমা করা যাইতে পারে না। “আমাদের মধ্যে হালাম হারাম ইত্যাদি”—এ-কথা আপনে ব্যবহার করিতে পারেন না। বোধহয় আপনে গোমাংস ভক্ষণার্থে মুসলমান ধর্ম নূতন গ্রহণ করিয়াছেন এবং কয়েকদিন পর্যন্ত গোমাংস ভক্ষণ করিয়া হজ্জম করিতে সাধা হয় নাই, তাই বুঝি গোমাংসের বিরুদ্ধে প্রবন্ধ লিখিতে বসিয়াছেন। এমন ব্যক্তিকে কখনই মুসলমান জগৎ প্রতিনিধিত্বে বরণ করেন নাই যে তিনি যাহা বলিবেন তাহাই লোকসমাজে সমস্ত মুসলমান জাতির উক্তি বলিয়া নির্দেশিত হইবে।

৮। গো বংশরক্ষক মহাশয়! আপনে মুসলমান বলিয়া দাবি করুন তাহাতে আমার কোন ক্ষোভের কারণ নাই। “রাফিজী” সম্প্রদায়ও মুসলমান বলিয়া দাবি করিয়া থাকে, কিন্তু সাফি, হানিফি শব্দ উল্লেখ হালাল হারামের বিচারের প্রয়াস পাওয়া আপনাব ত্রায় লোকের পক্ষে শোভা পায় না।

৯। “সাফি মতে জলজন্তু মাংসেই হালাল”—এই শাস্ত্র আপনে কোথায় পাইলেন আমাকে দেখাইয়া দেউন। অনেক শ্রেণীস্থ জলজন্তু সাফি মতেও হারাম। বোধকবি আপনিই প্রথম মাংস ভক্ষণ আরম্ভ করিয়া যখন যে জন্তু সম্মুখে পাইতেন তাই ভক্ষণ করিয়া তাহার বিষময় ফলও ভোগ করিয়া থাকিবেন। শেষ বজ্রকের পায় পড়িয়াছেন।

১০। “সাফি মতে বজ্রকের পদ যতটুকু জলে থাকে কাটিয়া লইয়া ইত্যাদি,”—এমন কথা কোরাণ হাদিস এবং মহাম্মদীয় কোন ধর্মগ্রন্থে নাই। আপনে কোথা হইতে আনিয়া যোগ কবিতেন বুঝিতে পারি না। কোরাণ হাদিস এবং মহাম্মদীয় ধর্মগ্রন্থে যে বিষয় নাই সেই সব বিষয় আছে বলিয়া যাহারা প্রচাৰ করেন তাহারা কোরাণের আয়েত অনুসারে ফাছেক, জালেম, কাফের এবং মহাম্মদীয় ধর্ম হইতে বর্জিত বলিয়া নির্দেশিত। বোধকরি আপনিই কখন সাফি মতের দায় দিয়া বজ্রকের পায়ের সিদ্ধ পোড়া গুরওয়া, বলসা প্রভৃতি পাক আহার করিয়া স্বাদ পরিগ্রহ করিয়া থাকিবেন।

১১। “শাস্ত্রে একথা লিখা নাই যে গোহাড় কামড়াইতেই হইবে, গোমাংস গলাধ না করিলে নরকে পচিতে হইবে, বরং যাহা অখাণ্ড তাহার নাম উল্লেখ স্পষ্ট নিষেধ বাক্য, খাইও না, লিখা আছে!” —শাস্ত্রে লিখা আছে কি না তাহা

আপনার গায় লোকে কিসে জানিবে ? আমাদের জ্ঞান গোমাংস হালালই আছে, আমরা তাহাই আহাৰ কবিতা বসনা পরিতপ্ত করিতে পাবি। আপনাব ভাগ্যে ঘটে না বিধায় বুঝি আপনে যে স্থানে যে হাড় পান তাহাই চিবাটীয়া দস্ত পরিতপ্ত করেন। বিশেষ কোন কাণ্ডসম্মানে কোরাণে তীব্রভাবে গোবধের আদেশ আছে। আপনার তদ সন্মুখে জ্ঞাতবা থাকিলে বারান্তে জানাইব। গোজাতি পরম উপকারী জন্তু বলিয়া ভক্ষণ নিষেধ হইলে কোরাণে ও হাদিসে তাহাব স্পষ্ট নিষেধ আজ্ঞা থাকিত। বিশেষ সম্মানি জন্তু মধো গণ্য হইলে কোরাণে উটের গায় উহাবও প্রশংসা থাকিত।

১২। “খাইবার অনেক আছে খাইতে পাবি খাইনা।” — খান না কেন ? আপনাকে কে নিষেধ কবিতছে ? আপনাব মন তো স্বাধীন, যাহা ইচ্ছা তাহাই কবিত পাবেন : আপনাকে আমবা হাত দিয়া নিষেধ কবিতছি না। আপনাব গায় দুই একজন আজকাল ঈশ্বরমাজ হইতেও বাহির হইতেছেন, তাহাদের যাহা অভিপ্রায় তাহাই করেন। আমাদের তাহাবা বড় একটা ধাব ধাবেন না।

১৩। আপনার বিজ্ঞা এম’ শাস্ত্রজ্ঞানের বুঝি এই পর্যন্ত দৌড় “ফডিং ধরিয়া ঘুতে ভাজিয়া টপাটপ গিলিলে পাবি।” এই বুঝি শাস্ত্রের কথা ? শাস্ত্রে টিডিং খাওয়াও বিধান আছে, আপনে টিডিং ভয়ে ফডিং ব্যবহার কবিতা শাস্ত্রের প্রতি দোষাবোপ কবিতেছেন। শাস্ত্রই দোষী না আপনিই দোষী ? যখন আপনার ঘোড়া এবং ভেড়া, ফডিং এবং টিডিং, পর্বত এবং সমভূমিতে যে কি বিভিন্ন তাহার জ্ঞান নাই তখন আপনে কোন মুখে মহাম্মদী শাস্ত্র সমালোচনা করিতে অগ্রসর হইতেছেন ?

১৪। “গোমাংস উদবস্ত্র কবিলে পাবি, ভয়ে তাহাব নিকটেও যাইনা।” পয়গম্বব সাহেব স্বয়ং কখন গোমাংস খান নাই এবং তাহাব বংশাবলীও মধোও কেহ কখন ব্যবহার করেন নাই, তাহাব সময়ে আববের কোন সম্প্রদায় গোমাংস আহাৰ কবিত, পয়গম্বব সাহেব তাহাদিগকে প্রচলিত পথ অনুসারে গোমাংস ভক্ষণ নিষেধ করেন নাই এবং কোথাও স্পষ্ট আদেশ প্রচাব করেন নাই।

১৫। গোকুল ছাড়িয়া যে আবার ছাগল লইয়া বসিলেন ? আপনে কোথায় দেখিয়াছেন যে মুসলমানগণ দুগ্ধবতী ছাগল জবাহ করিয়া মাংস ভক্ষণ কবিতা থাকে ? কোরাণে নিষেধ আছে যাহারা জাহেল (মূর্খ) এবং ধম্ম-বিষয়

অনভিজ্ঞ তাহাদের সহিত শাস্ত্র প্রসঙ্গে বাদানুবাদ করা কর্তব্য নহে ।

১৬। “ছাগলের মধ্যে পাঁঠা তো খাদ্য—তাহার দিকে বড় ঘেঁষি না।”
পাঁঠার দিকে ঘেঁষিতে নিষেধ নাই, কেন যে তাহার দিকে ঘেঁষি না তাহা কেনা
জ্ঞানে? পাঁঠার মাংস বর্তমানতই অতি ভুগ্নক্লয়ুক্ত অথচ এক পাঁঠার মূল্যে তিন
ছাগল পাওয়া যায় বলিয়া আমরা তাহার দিকে ততদূর ঘেঁষি না। কিন্তু অপব
নিয়মে শাস্ত্রানুসারে তাহার দিকে ঘেঁষিতে নিষেধ নাই। পাঁঠার দিকে আমরা
ঘেঁষি না বলিয়া কি পাঁঠাকুল বক্ষা পাইবাছে? কোন সম্প্রদায় যে পাঁঠাকুলের
অনববত সংহার কবিয়া আসিতেছেন তাহা কি আপনার চক্ষে উঠে না?

১৭। “উষ্ট্র এদেশে নাই, থাকিলে তাহার কাছেও যাঠিন না। শবীবের
গঠন দেখিয়াই পাকস্থলি ঠাণ্ডা হয়।” উট অতি পবিত্র জন্তু, তাহার মাংস অতি
পবিত্র ও হালাল, কিন্তু তাহা দেখিয়া যে পাকস্থলি ঠাণ্ডা হয়, পবিত্র বস্তু প্রতি
এই ঘনাক্রপ মহাপাপ মুক্তি লাভার্থে অগত্যা একবার তাহার মাংস ভক্ষণ কবা
আপনার প্রতি ওগাজেব (কর্তব্য)। যে বস্তু যে দেশে সহজলভ্য সে দেশে
তাহার ব্যবহার অধিক। উষ্ট্র আমাদের দেশে নাই সুতরাং তাহার ব্যবহারও
বিবল। ভাই বলিয়া মাথা ঠকিয়া যাবেন কেন? গোজাতি এদেশে অপরিাপ্ত
পরিমাণ পাওয়া যায়, কাজেই তাহার ব্যবহার অধিক।

১৮। “মতিষ খাদ্য, তাহার নিকট ছবি হানে কবিয়া যায় কে?” ছবি
হাতে কবিয়া কেহ যায় না বটে কিন্তু কোমর বান্ধিয়া জগন্মন্দির পবাকষ্ঠা
দেখাটয়া অলৌক আমাদের জন্ম শত শত দশকমণ্ডলীর সাফাতে অসিহাস্ত ধারণ
পূর্বক যে শত শত লোক তাহার দিকে ধাবিত হয় আব বাদ্য ঘণ্টা বাজিতে
থাকে ও উল্লুধনি পড়িতে থাকে তাহা বোধকরি লিখক মহাশয়ের চক্ষে বেশ
সহ হয়।

১৯। “মহিষ, ঘোড়া, বনগরু, ছাগল, মৃগ, খরগোশ—সকলি তো চলিতে
পারে, এ সকল থাকিলে ক্ষুধা নিবৃত্ত হয়, এত থাকিতে গোমাংসে শিহ্নার জল
পড়ে কেন?” ঘোড়া, বনগরু, ছাগল, মৃগ প্রভৃতি কোন কোন জন্তুর মাংস যে
ব্যবহার না হয় এমন নহে। যাহাদের সংখ্যা অল্প ব্যবহারও অল্প। গোমাংস দেখিয়া
শিহ্নার জল পড়ে বলিয়া ব্যবহার হইতেছে—এটি আপনারই মনগড়া কথা।
গোজাতির সংখ্যা অত্যধিক, মাঝে মাঝে তাহার বধ হইলে গোবংশ নিশ্চল

হওয়ার সম্ভাবনা নাই ; তদজ্ঞাই বধ হইয়া থাকে । ছাগ প্রভৃতির সংখ্যা অতি অল্প, তাহাদের অনবরত ধ্বংশে বংশ নিপাত হওয়ার আশঙ্কা । সৃষ্টি নিপাত করা কাহার তো উদ্দেশ্য নহে ।

২০। “এপর্যন্ত মুসলমান জগতে প্রচলিত ধর্মগ্রন্থে উল্লেখ, স্মরণ্য কর্তব্য মধ্যে পরিগণিত । ঘটনাস্থল “মক্কা” হজরত মহাম্মদের জন্মের পূর্বে,”— লিখক মহাশয় ! কোরবানির উৎপত্তির মূল কারণ কিছুই উল্লেখ করেন নাই, কেবল ঘটনাটি মাত্র প্রকাশ করিয়া নানা বাঙ্গলজনক উক্তি করিয়াছেন । মুসলমান ধর্ম সৃষ্টি অবধি বর্তমান সময় পর্যন্ত ইহার বিরোধীগণও ইহাকে এমন তীব্রভাবে আক্রমণ করেন নাই । তবে লিখক মহাশয় স্বয়ং মুসলমানী দায় দিয়া কেন যে এসলামকে বিদ্রূপ এবং উপহাস করিয়া ধর্মচ্যুত হইতেছেন, তাহার বিচার মুসলমান সমাজ করুন ।

“এ পর্যন্ত মুসলমান জগতে প্রচলিত,” লিখক মহাশয়ের মনে বিশ্বাস যে ইহাব মূলে কিছুই নাই, কেবল প্রচলিত প্রথা অনুসারে চলিয়া আসিতেছে, বাস্তবিক তাহা নহে, মূল অতি দৃঢ় । “ধর্মগ্রন্থে উল্লেখ,” তাহার লিখার ভাবে বুঝা যায় যে তিনি একথাটি সহজে স্বীকার পাইতেছেন না, কেহ যেন তাঁহাকে বলপূর্বক স্বীকার কবাইতেছে । কোরাণ ও হাদিসে যে কোরবানির কথা উল্লেখ আছে তাহা কি কখন তিনি কণ্ঠেও স্তূনেন নাই ?

২১। “ধর্মের গতি বড় চমৎকার, পাহাড়, পর্বত, মরুভূমি সমুদ্র, নদ-নদী ছাড়াইয়া মুসলমান ধর্ম ভারতে আসিয়াছে, সঙ্গে সঙ্গে কোবানিও আসিয়াছে”, ধর্ম বাস্তবিকই ধর্ম, তাহার গতি অতি চমৎকার না হওয়ার কথা কি ? যে ধর্মের নেতা একজন মাত্র সহায় লইয়া আপনাব সদৃশ বহু সংখ্যক প্রতিবাদীর মুখের উপর ধর্ম প্রচার করিতে ভীত ও কুণ্ঠিত হন নাই, সে ধর্মের গতি চমৎকাব বৈকি ? যখন তাহার গতি চমৎকাব তখন তাহাকে পাহাড়, পর্বত, মরুভূমি, সমুদ্র, নদনদী ছাড়াইয়া ভারতে আসিতে বাধা দিতে পারে এমন সাহসী কে ? ধর্ম যখন আসিতে সাহসী হইল তখন তাহার অঙ্গ-প্রত্যঙ্গ সমস্ত অবশ্য তাহার সঙ্গে আসিবে, তাহাতে কোবানি দৃষ্টি কিসে ?

গোরক্ষক মহাশয় ! নয়ন মুদ্রিয়া মননিবেশ পূর্বক একটুকু চিন্তা করিয়া দেখিলেই অনুধাবন করিতে সমর্থ হইবেন যে, তাহার আপন মতানুসারে দিনদিন দেশ সহস্র গোবধ হওয়া সঙ্গেও গোবংশের কিছুমাত্র ধ্বংস বা বিলুপ্তি হয় নাই !

জাতিতে গোজাতি ভিন্ন আরও অনেক রকমের গ্রাম্য জন্তু আছে (যাহা কোন সম্প্রদায়ের আহাৰ্য্য নহে)। তাহার সহিত গোপালের তুলনা করিলে কোন জাতির সংখ্যা অধিক হইবে? অনিবার্য্য গোবধ হওয়া সত্ত্বেও ঘাটে, হাটে, মাঠে শত শত গোপালই দক্ষিত হইয়া থাকে, অল্প প্রকারের দশ বারটি পশু বোধকরি লিখক মহাশয় একত্রে একস্থানে পান কিনা সন্দেহ। সম্ভাব্যবহের বস্ত্র কখনই নষ্ট হয় না, বরং উহা উন্নতি এবং বৃদ্ধি হইয়া থাকে। গো দুগ্ধেই আমাদের শরীর পোষণ হইতেছে, গোজাতির পরিশ্রমের উপর এ দেশের কৃষিকাৰ্য্য নির্ভর, সেই গোজাতির উন্নতির এবং বৃদ্ধির জন্ত ভারতবাসী মাত্রই সচেষ্টিত। মুসলমানগণ শুধু মাংসাশ্বে গোজাতিকে সমাদর করিয়া থাকে না, তাহা বহুবিধ প্রয়োজনানুসারে গোজাতির সমাদর করিয়া থাকে। আপনাদের বিচক্ষণ বুদ্ধিতে কেমন করিয়া প্রবেশ করে যে, মুসলমানগণ শুধুই গোজাতির শত্রু। কোরাণে যে ভাবে ও যে চক্ষে গোজাতিকে লক্ষ্য করার বিধান আছে সে চক্ষে দেখিলে কবে গোজাতি নির্মূল হইত। ভারতবাসীর অপর সম্প্রদায়গণ ঘরে ঘরে প্রতিপালন করিয়াও সে ক্ষতি পূরণ করিতে সমর্থ হইতেন না। “স্তফি সাহেব কিছু মনে করিবেন না।”

স্তফি সাহেব! আমি কিছু মনে না করিয়া থাকিতে পারিলাম না। আমি মোল্লা মাহুদ, স্বভাবত বিবাদ প্রিয় নহি, কাজে কাজেই ক্ষান্ত না থাকিয়া উপায় কি! একটি কথা হঠাৎ মনে পড়িল, তাহাই জনসমাজে প্রকাশ পূর্বক প্রস্তাব উপসংহার ও মনের খেদ নিবারণ করি। প্রথম এদেশে যখন খৃষ্টিয় ধর্মাবলম্বীদিগের হস্তগত হয় তখন তাঁহাদের আপন ধর্মবিস্তার জন্ত পালে পালে মিশনারীগণ দেশ-দেশান্তর বহির্গত হইয়া স্মিট বাক্য ও গন্তীর স্বরে ধর্মোপদেশ দিতে লাগিলেন। তাহাতে অনেক নিচাশয় পামরচেতা হিন্দু আপন ধর্ম পরিত্যাগ পূর্বক খৃষ্টিয় ধর্মে দীক্ষিত হইয়া হেটকোট পরিধান করত সাহেব সাজিলেন। ইহাতেই কি সাহেব হওয়া যায়?—না তাহারা এখন এদিকে মিশিতে পারেন না ওদিক বাইতে পারেন! অন্নবস্ত্রের উপায়াস্তর না দেখিয়া জীবনযাত্রা নির্বাহার্থে পুনরায় মিশনারীদিগের নিকট আবেদন করায় তাঁহারা রুল্লিলেন যে, তোমরা আপন আপন ধর্মে নিগুঢ়তত্ত্ব উদ্ঘাটন পূর্বক প্রচার করিতে থাক। সরকার হইতে তোমাদের জন্ত বন্দোবস্ত করা বাইবেক। তদানুসারে তাহারা আদাজল খাইয়া তাহাই করিতে লাগিলেন। এখন দেখা যাইতেছে যে, তাহাদের ধর্মবিনাশের প্রাণপণ চেষ্টা সত্ত্বেও হিন্দুধর্মের কিছুমাত্র অনিষ্ট ঘটে নাই, সেইরূপ আজকাল কোন কোন

মুসলমান সম্প্রদায় হইতে ধর্ম ছাড়া হইয়া মুসলমান ধর্মের মূল উচ্ছেদ মানিলে
যে তাহাদকে নিশ্চয়ই উদ্ঘাটন করিতে পারিয়াছেন তাহাতে সত্যধর্মের কিছু মাত্র
অপচয় হইবেক না। সত্যের জয় মিথ্যার পতন !

মহাশয় ! সমাজের গ্রন্থি অতিশয় দৃঢ়, একটুক সাবধান হইয়া লিখনি ধরি-
বেন ; সমাজকে চটাইলে বড় প্রমাদ ঘটবার সম্ভাবনা। উপসংহার কালে একটি
হিতোপদেশ না দিয়া ক্ষান্ত থাকিতে পারিলাম না। আপনে তওবা করিয়া পুনরায়
মুসলমান ধর্মের দীক্ষিত হউন। তাহা না হইলে আপনার মুক্তিলাভের কোনই
উপায় নাই।

ভারতে গোবধ

আজকাল ভারতে গোবধ সম্বন্ধে প্রচুর আন্দোলন উপস্থিত হইয়াছে। এই
আন্দোলনের প্রবল তরঙ্গভিষাতে সমগ্র ভারতবর্ষ তবঙ্গায়িত। স্থানে স্থানে
সভা-সমিতি সংস্থাপিত হইয়া এই তরঙ্গের মাত্রা ক্রমশঃ বৃদ্ধি করিতেছে। অধুনা
ভারতীয় হিন্দুসম্প্রদায় গোহত্যা-জনিত দুঃখে বিষম দুঃখিত ও মর্ম্ম-পীড়িত।
গোখাদক জাতির অত্যাচারে গোকুল নিম্নল হইল, ইহাই তাহাদের আর্তনাদের
মূলসূত্র। খৃষ্টিয়ান ও মুসলমানদিগের নিষ্ঠুরতাই গোবংশ ধ্বংসের একমাত্র
প্রধান কারণ, এইটি তাহাদের যুক্তি। উক্ত ধর্ম্মধ্বংসীগণের যুক্তি কিরূপ ত্রাসজনক
নিম্নে তাহাই প্রদর্শিত হইতেছে।

গোখাদকদিগের অত্যাচারে গোকুল নিম্নল হইতেছে - কোন যুক্তি বলে
গোকুল রক্ষণগণ একপ অসার তর্ক উপস্থিত করিতেছেন, তাহা আমরা স্থির
করিতে পারিতেছি না। জগতের অধিকাংশ জাতিই গোখাদক ; সমগ্র ইউরোপ,
আফ্রিকা, আমেরিকা এবং পশ্চিম দক্ষিণ ও মধ্য এশিয়ার সমস্ত অধিবাসীগণই
গোমাংস ভক্ষণ করিয়া থাকে। কি আশ্চর্য্য ! ঐ সকল দেশের গো বংশ তো ধ্বংস
হয় নাই। আর ভাবতবর্ষে প্রায় আটলত বৎসর পর্য্যন্ত মুসলমানগণ গোমাংস
ভক্ষণ করিয়া আসিতেছেন, খৃষ্টিয়ানগণও শতাধিক বৎসর পর্য্যন্ত গোমাংসে উদর
পূর্ণ করিতেছেন, কিন্তু কোথাও এই দীর্ঘকালের মধ্যে গোকুল উৎসর্গে যায় নাই।
আজ উনবিংশ শতাব্দীর প্রবল তরঙ্গে গোকুল যেন ভাসিয়া চলিয়াছে। মুসলমান
ও খৃষ্টিয়ানগণের গোমাংস ভক্ষণের মাত্রা পূর্বাপেক্ষা বৃদ্ধি হইলে আমরা এই যুক্তি-

কতকটা সঙ্গত বলিয়া মনে করিতাম। বরং মুসলমানদিগের মধ্যে ‘নিবামিষ ভোজী’ নামে এক শ্রেণীর নব্যজীব আবির্ভূত হইয়াছে, তদ্বারা গোবধের মাত্রা অবশ্যই কিছু না কিছু কম হওয়া সম্ভব। যদি গোবধের আধিক্য দৃষ্ট হয়, তবে তাহার কারণ অগ্ৰপ্রকার, ধর্ম্মধ্বজী হিন্দুদিগের মধ্যে অনেকেই গোমাংস ধ্বংসকারী। যদি কেহ একবার সত্যতা উপলব্ধি করিতে চান, তবে সন্ধ্যার সময় কলিকাতাস্থ ফৌজদারী বালাখানার মোড়ে রুটি ও কাবাবের দোকানে এবং যোগলদিগের “প্রাইভেট রুমে” দুই এক ঘণ্টা কাল দাঁড়াইলে দেখিবেন। ঊঃথেব বিষয় ঐহাদের পেটে এখনও গরুর “হাষা” রব শ্রুত হওয়া যায়, তাহারাও ধর্ম্মধ্বজী নাম ধারণপূর্বক গোবধের প্রতিকূলে দৃষ্টাশ্রম। এই সকল দেখিয়া শুনিয়া আমবা অবাক হইয়াছি। মারোষাবী প্রভৃতি জৈন ধর্ম্মাবলম্বীগণের মুখে এসব কথা শোভা পায়। মাংস শ্রিয় বাঙ্গালী ভাষাদেব মুখে একরূপ অযথা চাঁৎকাব শোভা পায় কি? হিন্দু ধর্ম্মাবলম্বীগণ আইন দ্বারা গোবধ নিবারণ করিতে গবর্নমেন্টকে উপদেশ দিতেছেন, ঐহাদেব একরূপ গৃহতা দেখিয়া আমরা হাস্য সম্বরণ কবিতে পারি না। বাপুহে! আমাদের খাওয়া জিনিস আমবা খাই। তাহাতে তোমাদেব বুঝা চাঁৎকাব এবং গলাবাজী কেন? আমরা তো তোমাদের গরুগুলি জোর করিয়া আনিয়া বধ করিতেছি না? নিজেরা পালিয়া, পুথিয়া আবশ্যক মত তাহার মাংস ভক্ষণ করিতেছি, তাহাব বিরুদ্ধে চিৎকার করিয়া তোমাদের কি হইবে? যদিও আমবা জানি ব্রিটিশ গবর্নমেন্ট হিন্দুদিগের এই অযথা অনুরোধ সম্পূর্ণরূপে উপেক্ষা করিবেন, তবুও তাহাদের বিদ্বেষ বৃদ্ধির পরিচয় পাইয়া মন্থাহত হইয়াছি। গোড়া হিন্দুদিগকে বলি, তোমরা গোজাতিকে দেবতাজ্ঞানে পূজা করিবে বলিয়া আমাদের তাহাতে ক্ষতি বৃদ্ধি কি? সর্ব্বল মনে বন্ধুভাবে একথা বলিলেও কতকটা ভাল শুনায, আইনকাঠিন ও জোর জবাবদস্তির কথা শুনিলে আমাদের মনে বিজাতীয় ঘৃণা ও রোষের সঞ্চারণ্য! ঊরূপ কথা শুনিলে আমরা স্পষ্টই অস্থব করিব, ইহা মুসলমানদিগের সহিত বিবাদ-বিসম্বাদের কারণই—আর কিছুই নহে। ঐহারা গোকুল ধ্বংস হইল বলিয়া গগনভেদী চাঁৎকার করিতেছেন, ঐহাদিগকে জিজ্ঞাসা করি আপনারা গোকুল বৃদ্ধির জন্ত কি উপকার করিতেছেন? পূর্বকালে আপনাদের মধ্যে রাজাধিরাজ হইতে সামান্য দ্বিবাঙ্গী পর্যন্ত সকলেই গোপালন করিতেন, এমন ভয় নামধারী কয় ব্যক্তি

গোপালন করিতে তৎপর ? আজকাল শিক্ষার প্রভাবে এদেশে যে দ্বিপর্ষয় কাণ্ড ঘটিয়াছে, গোজাতির অবনতিব তাহাই একমাত্র কাৰণ। আজকাল অনেক চাষার ছেলে খোদাতত্ত্বগ্রহে “বিদ্বান” তৎসঙ্গে সম্ভ্রান্ত শ্রেণীতে উন্নীত। তাহারা গোপালন করিতে বা কৃষিকাৰ্য্য করিতে কখনও কি সম্মত হইতে পাবেন ! বিদ্বানের সংখ্যা যতই বাড়িতেছে, দেশেব অবস্থা উন্নত না হইয়া ততই অবনত হইয়া দাঁড়াইতেছে। গোপালনে বীতাত্ত্ববাগ ও কৃষিকাৰ্য্যে অনাস্থা দেশেব সর্ববংশের প্রধান কারণ। দেশে দরিদ্র হইবার যত কারণ নির্দেশ করা যায়, ইহা অপেক্ষা তাহার কোনটিই সমীচিৎ নহে। যাহাদের চৌদ্দপুরুষ কৃষিজীবী, তাহারাও অনেকে এখন গোপালন এবং কৃষিকাৰ্য্যের নাম শুনিয়া নাসিকা কুঞ্চিত কবেন। এদেশে শিক্ষাকাৰ্য্যের যতই উন্নতি হইতেছে গোবংশের এবং তৎসঙ্গে কৃষি কাৰ্য্যেব ততই অবগতি হইতেছে। ইউরোপ প্রভৃতি স্তম্ভ্য জনপদে শিক্ষার ফল ঠিক ইহার বিপরীত। চাকুরীই যে-দেশের বিদ্যাশিক্ষাব একমাত্র উদ্দেশ্য সে দেশের অবনতি যে অবশ্যম্ভাব্য একথা কে না স্বীকাৰ কবিবে ? কোন সোখানবাবু একটি গাভী প্রতিপালন করিয়াই মনে করেন যে আমি গোকুল বক্ষা কবিলাম। দুইটি ইংরেজী বর্ণমালা তা দুইগুণ বাঙ্গলা ভাষা যাহাব কণ্ঠস্থ তিনিই গোপালন বা কৃষিকাৰ্য্যকে অতীব ঘৃণিত কাৰ্য্য মনে করেন। একপক্ষলে গোবংশেব উন্নতির আশা কিরূপে করা যাইতে পাবে তাহা আমরা বুঝিয়া উঠিতে পারিতেছি না। নগরের দ্বিতল, ত্রিতল অট্টালিকায বসিয়া যাহারা গোকুল বক্ষার জন্ত জাগ্রত স্বপ্ন দেখেন, সভা-সমিতিতে বৃথা গলাবাজী করেন, তাহাদের জ্ঞান ও বিবেক শক্তিকে ধ্বংস। গরু দ্বারা মুসলমানদিগের দুইটি প্রধান উদ্দেশ্য সাধিত হইতেছে, একটি কৃষিকাৰ্য্য দ্বিতীয়টি গো-মাংস ভক্ষণ, যেখানে গুরুতর দুইটি স্বার্থ বহিয়াছে, সেখানে জাতির উন্নতির জন্তও তাহাদের চেষ্টা অনেক পরিমাণে বেশি। ইহার প্রায়শ সংগ্রহেব জন্ত আর অধিক দূরে যাইতে হইবে না। বঙ্গদেশে হিন্দুদিগের অপেক্ষা মুসলমানদিগের গোপন যে অধিক তাহাই এ বিষয়ের জলন্ত দৃষ্টান্ত স্থল।

যাহারা বলেন, গোখাদকদিগের অত্যাচারেই গোকুল নিম্ন হইতেছে তাহাদিগকে আমরা জিজ্ঞাসা করি, কুকুর, কিড়াল, শূকর, শূগাল, ইত্যাদি যেসকল জন্তুর একবার একাধিক সন্তান প্রসব করে, আবার বৎসরে একবার যাহাদের সন্তানোৎপাদন হয়, অথচ যাহারা ভারতবাসীগণের অখাদ্য, তাহাদের বংশ বৃদ্ধি হয় না কেন ? গরু তো একেবারে একটি মাত্র সন্তান প্রসব করে, কিন্তু উহার মাংস

বল্ল পরমাণে ভক্ষিত হয়, অথচ উহাদেরই বা বংশের এত উন্নতি কেন ? ইহার অভ্যন্তরে কি কোন বৈজ্ঞানিক রহস্য নাই ? ষাঁহার যুক্তিমার্গ বিচরণ করেন তাঁহাদের একবার এসব বিষয় চিন্তা করিয়া দেখা উচিত ।

কোন কোন বিজ্ঞ সংবাদপত্র সম্পাদক একরূপ প্রস্তাবও উত্থাপন করিয়াছেন যে ভারতের হিন্দু রাজা ও জমিদারগণ তাঁহাদের অধিকারে গোবধ নিবারণ করিয়া দিলে গোবংশ অনেক অংশে রক্ষা পায় । আমবা বলি, আমাদের গ্ৰাম্য পরায়ণ সদাশয় ব্রিটিশ গবর্ণমেন্ট কি হিন্দুরাজা ও জমিদারদিগকে একরূপ অস্বাভাবিক ক্ষমতা প্রদান করিবেন ? যদি একরূপই হয়, তাহা হইলে মুসলমান নবাব ও জমিদারগণ হিন্দুদিগের মধ্যে গায়েব জোরে বিধবা-বিবাহ প্রচলিত করিতে পারেন । গোকুল রক্ষা অপেক্ষা হিন্দু বিধবাদিগকে পাপকার্য্য হইতে বক্ষা করা এবং মৃত্যু হত্যা নিবারণ করা কোনরূপেই অল্প পুণ্যের কাৰ্য্য নহে । আমাদের হিন্দু জাতাগণের বর্তমান গতিমতি দেখিয়া স্পষ্টই উপলব্ধি হইতেছে যে, ইহার কিঞ্চিৎমাত্র রাজ্য প্রাপ্ত হইলে প্রথমেই মুসলমানদিগকে গোমাংস হইতে বঞ্চিত করিবেন । তারপর মুসলমানদিগের অগ্রাঙ্গ ধর্ম্ম কার্য্যগুলিও বন্ধ করিয়া দিবেন । ইহার স্পষ্ট প্রমাণ কাশ্মির এবং অগ্রাঙ্গ হিন্দুরাজ্যে বর্তমান । হিন্দুদিগের এই সমস্ত অস্বাভাবিক আন্দোলন ও আবদার দেখিয়া স্পষ্টই অনুমান হইতেছে যে, মুসলমানদিগকে নির্যাতন করাই তাহাদের একমাত্র উদ্দেশ্য ।

উপসংহারকালে আমরা আর একটি কথা না বলিয়া ক্ষান্ত থাকিতে পারিলাম না । ময়মনসিংহ, টাঙ্গাইল, দেলদুয়ার হইতে একখানি মোসলমান সংবাদপত্র (আমরা কিন্তু মুসলমান সংবাদপত্র বলিতে প্রস্তুত নহি) বাহির হয় । কাগজখানির নাম “আহমদী”, সম্পাদক আবদুল হামিদ খান ইউজ্জয়ী মুসলমান নামে পরিচিত । কিন্তু কাগজখানির ভাব, ভঙ্গি ও সম্পাদকের লিখন ভঙ্গি দ্বারা আমরা কোনরূপেই সম্পাদককে মুসলমান বলিয়া স্থির করিতে পারিতেছি না । বর্তমান বর্ষের আহমদীর প্রথম ও দ্বিতীয় সংখ্যায় “গোকুল নিম্নলিখিত আশঙ্কা” নামক একটি প্রবন্ধ বাহির হইয়াছে, লেখক কে তাহা জানি না, কিন্তু তিনি আপনাকে মুসলমান বলিয়া পরিচয় দিয়াছেন । “আমরা মুক্ত কণ্ঠে বলিতেছি একরূপ যাহার মনের ভাব, তিনি মুসলমান নহেন । মুসলমান বলিয়া তিনি কোনরূপেই দাঁড়াইতে পারেন না । একরূপ প্রবন্ধ লিখিয়া তিনি খোদাতালার সত্যস্বয় প্রচারকের আদেশ অমান্য করত নিশ্চয়ই কাফের হইয়াছেন । যদি তিনি ইহার প্রমাণ

আমাদিগকে দর্শাইতে বলেন, তবে খোদাতালার ফজলে আমরা নিশ্চয়ই তাহা প্রদর্শন করিব। আর যুদ্ধি তিনি প্রবন্ধ লিখিয়া 'তওরা' করিয়া থাকেন, তবে খোদাতালার নিকট প্রার্থনা করি এই গুরুতর অপরাধটুকু যেন পরম দয়ালু খোদাতালার ক্ষমার পাত্র হন। আর মুসলমান ভ্রাতাদিগকে আমরা বলি যে আপনারা এই প্রবন্ধকে মুসলমানের লিখা বলিয়া কোন ক্রমেই গ্রহণ করিবেন না এবং তাহাতে আস্তা প্রদর্শন করিবেন না। লেখকের হৃদয় সংপথে চালিত হউক ইহাই কায়মনোবাক্যে প্রার্থনা করুন। অমিন! অমিন!

প্রস্তাব লিখক আহমদীর বন্ধু আপনি যে উচ্চদরের লিখক, বাঙ্গালা ভাষায় যে আপনার অধিকার আছে তাহা স্বীকার করি, তাই বলিয়া আপনার কলমে বাহাই আসিবে তাহাই লিখিবেন? অত্যাধিক কথা আমরা স্বীকার করিতে পারি না। এসলামী ধর্ম বিগর্হিত আপনার প্রস্তাবের প্রতিবাদ সম্বন্ধে আমাদের গোটাকত কথা লিখিতে হইল। ক্রটি মার্জনা করিবেন। মহোদয়! আপনি পাঁচ ছয় মাসের যোগাড়ে আবার গোকুল নির্মূল আশঙ্কা সম্বন্ধে একটি সুদীর্ঘ প্রস্তাব লিখিয়া বিগত ১৫ই পৌষ আহমদী মধ্যে প্রকাশ করিয়াছেন তাহাতে আপনি যে সত্যবাদীও ধার্মিক তাহা বেশ প্রকাশ হইয়াছে।

প্রস্তাব লিখক!

আপনি লিখিয়াছেন, "আমাব লিখিত প্রস্তাব আহমদীতে প্রকাশ হইলে "কোন কোন" সহযোগী উক্ত প্রস্তাবটি অবিকল উদ্ধৃত করিয়া গোকুল রক্ষার সহায়ভূতি প্রকাশ করিয়াছেন। কোন কোন সহযোগী উদ্ধৃত করিতে না পারিয়া আক্ষেপ সহকারে প্রস্তাবের পোষকতা করিয়াছেন।" মহাশয়! যাহা আপনি লিখিয়াছেন যদি উহা সত্য হয়, তবে আপনি ও তিনি এক ধর্মাবলম্বী সন্দেহ নাই।

প্রস্তাব লিখক! আপনি লিখিয়াছেন, "কোন মহোদয় আহমদী সম্পাদককে অথবা গালি দিয়া পত্র লিখিয়াছেন। কেহ আহমদী পত্রিকাতেই বাহাই ইচ্ছা বলিয়া মনের আবেগ সান্ত্বনা করিয়াছেন।" মহাশয়! এসলামী ধর্ম বিগর্হিত অত্যাধিক কথা বুলিয়া কোন মুসলমান গহ্ব করিতে পারিবে? যাহাদের ইমান আছে, যাহাদের মুসলমানী ধর্ম বিশ্বাস আছে ভক্তি আছে, তাহারা আহমদী সম্পাদককে ও আপনাকে গালি না দিয়া থাকিতে পারিবে না। অধিক কি বলিব, ধর্ম সম্বন্ধে মুসলমানগণ প্রাণকে উচ্ছিন্ন করিয়া থাকে ইহা তাহাদের

স্বভাবসিদ্ধ যদি মুসলমানের রাজ্য হইত তাহা হইলে আত্মদী সম্পাদকের ও আপনার জীবন তিন দিনের ছিল !

প্রস্তাব লিখক ! আপনি লিখিয়াছেন, “কেহ লেখকদের প্রতি সন্দেহ করিয়া হিন্দু সাব্যস্তে কত কি ছাইভস্ম লিখিয়া সম্পাদকের নিকট কৈকত তলব করিয়াছেন।” মহাশয় ! আপনি সত্য বলিয়াছেন, ঐ প্রবন্ধ লিখককে ভিন্ন ধর্মাবলম্বী বই কোন মুসলমান এসলামী ধর্মাবলম্বী বলিতে পারেন কিনা সন্দেহ। এতদূশ এসলামী ধর্ম বিগর্হিত প্রবন্ধ মুসলমানের কলমে কথানি আসিবে মী এবং কোন মুসলমান লিখিতেও সাহসী হইবে না। এবারের প্রবন্ধেও আপনেন ক্রটি করেন মীই। এমন কি প্রকারান্তরে হিন্দুধর্মের পিছেও লাড়িয়াছেন। গুরু জবহ করা যে এসলামী ধর্ম সঙ্গত তাহা অনেকেই পবিত্র কোরাণ শরীফের আওতা (প্রবচন) দ্বারা সপ্রমাণ করিয়া আপনাকে দেখাইয়াছেন, পবিত্র কোরাণ শরীফের দ্বারা যে কথা প্রমাণিত হয়, তাহা মুসলমান মাত্রেই শিরোধার্য, ভরসা করি আপনি ও আপনার বন্ধু ব্যতীত জগতের কোন জাতি কোরাণ শরীফের প্রমাণকে ছাইভস্ম বলিতে সাহসী হইবেন না। যাহারা মুসলমান হইয়া পবিত্র কোরাণ শরীফের প্রমাণকে ছাইভস্ম বলিবেন তাঁহারা শবাব বাবস্তানুসারে সে কাফের ইহাতে অহু-মাত্র সন্দেহ নাই।

প্রস্তাব লিখক ! আপনি বিগত ১৫ই শ্রাবণের প্রবন্ধে এসলামী ধর্মশাস্ত্রে যে আপনার বিশেষ অধিকার আছে, এ বিষয় আপনি একটি ছোটখাট দর্প করিয়াছিলেন, তজ্জন্মই কোন কোন মুসলমান আপন আপন দাওয়া কোরাণদ্বারা সপ্রমাণ করিয়াছেন। এবং আপনাকে তোরা করার কথা বলিয়াছেন যদি সেই প্রমাণ আপনার নিকট এসলামী ধর্ম বিরুদ্ধ বিবেচনা হয় তবে আপনি এসলামী শাস্ত্রসঙ্গত প্রমাণ তাহাদিগকে দেখাইয়া দিলে তাঁহারা উহা অবশ্য সাদরে গ্রহণ করিবে, সত্যপ্রকাশ হয় এই তাঁহাদের ইচ্ছা। শুনিতে পাইলাম আপনি নাকি তাঁহাদের প্রতিবাদ পড়িয়া রাগান্বিত হইয়া উহাদ্ব উত্তর লিখার কারণ কলিকাতায় পদার্পণ করিয়াছি লন এবং অনেক মৌলবী সাহেবের নিকট নাকি গুরু জবহ সম্বন্ধে জিজ্ঞাসাবাদ করিয়া নিরাশ হইয়া রিক্ত সম্মলে পুনঃ দেশে ফিরিয়া আসিয়াছেন। দীর্ঘকালের পর আবার আপনার লিখা ধর্ম বিগর্হিত দ্বিতীয় একটি প্রবন্ধ বিগত ১৮ই পৌষের আহমদীতে দেখিতে পাইলাম। উহা দুটে

আমার শিশুকালের একটি গল্প স্মরণ হইল দেখুন তো ছায় সঙ্গত কিনা? উহা এই—কোন পথের ধারে ঝটপুঠাঙ্গ এক ব্যক্তি বাছে বসিয়া থিরা খাইতে-ছিল। ঐ পথ দিয়া একটি চিকিৎসক যাইতেছিলেন। তিনি উহা দেখিয়া বলিলেন, ভাই! বাছকালে কিছু খাইতে নাই। সে ব্যক্তি উহা শুনিয়া রাগাঙ্ক হইয়া বলিল, তুই এতবড় শক্ত কথা বলিলি। দেখ! আমি গু দিয়া থিরা খাইব, পরে তাহাই করিল। চিকিৎসক তাহাকে পাগল বিবেচনা করিয়া তাহার চিকিৎসায় পু বৃত্ত হইবেন!

প্রস্তাব লিখক আখবারে এসলামীয়া আহমদী সম্পাদক লিখিয়াছিলেন আপনার বন্ধু যিনি গোকুল নির্মূল আশঙ্কা প্রবন্ধ লিখিয়াছেন, তাঁহার নাম কি, জানিতে ইচ্ছা করি। তিনি তাঁহার কিছুই উত্তর দেন নাই, তদুত্তরে আপনি বলিতেছেন “সকলেবই জানা আবশ্যক যে প্রস্তাব লিখক ও সম্পাদক বাস্তবিকই ভিন্ন শরীর ও ভিন্ন আকৃতি।” মহাশয় চটিয়া উঠিবেন না, ভাল বলুন তো দেখি! যদি আপনার কোন বন্ধু আপনাকে জিজ্ঞাসা করেন, ভ্রাতঃ! আপনার ভ্রাতার নাম কি? যদি আপনি তাহার উত্তর না দেন আব আপনার ভ্রাতা বলেন আর আমার ভ্রাতা বাস্তবিকই ভিন্ন শরীর ভিন্ন আকৃতি। তবে এই উক্ত বক্তব্যসঙ্গত কিনা? এবং বক্তার গালে আপনি দুটা চড় মারিবেন কিনা? আহমদী সম্পাদক যে আপনার নাম লুকাইয়া রাখিতে ইচ্ছা করেন, চাদরে ঢাকিয়া রাখিতে বাসনা করেন, উহাতে তাঁহার স্ববুদ্ধির পরিচয় দিতেছে। লোকে বলে হাত ছোট আম বড়—প্রমাদের কথা, সেদিন কথায় কথায় গোকুল নির্মূল সঙ্ক্ষে উঠিল, তাহাতে আমাদের জ্ঞানক বন্ধু বলিলেন আপনারা কি আহমদী সম্পাদকের বন্ধুকে চিনেন, যিনি গোকুল নির্মূল সঙ্ক্ষে প্রবন্ধ লিখিয়াছেন? আমরা বলিলাম—না। তিনি কহিলেন, সেই প্রবন্ধ লেখক সাত সমুদ্র তের নদী পার হইয়া এই অঞ্চলে আসিয়াছেন। আমি তাঁহাকে ভালরূপ চিনি। —তিনি একটা ঝটপুঠাঙ্গ ব্যক্তি, যদি আহমদী সম্পাদক বেড়ে আড়াই ফুট হন তবে তিনি অনুন পাঁচ ফুট হইবেন। যদি সম্পাদক দীর্ঘে তিন ফুট হন তবে তিনি অনুন চারি ফুট হইবেন। কিন্তু নাম বলিলেন না। মহাশয়! ধর্ম বিরুদ্ধ প্রবন্ধ লিখিয়া কেনই বা মেয়েলোকের মত লুকাইয়া থাকিতে ইচ্ছা করেন? এমন প্রবন্ধ লিখকের জীবনে খিক না দিয়া কে থাকিতে পারিবে?

প্রস্তাব লিখক ! আপনি লিখিয়াছেন “আহমদৌ সম্পাদক ও পাক্ষা মুসলমান।” তিনি যে পাক্ষা মুসলমান তাহা এ অঞ্চলের অনেকেই অবগত আছেন। তিনি পাক্ষা মুসলমানের ঔরবে জন্মগ্রহণ করিয়াছেন। ইহা সকলেই স্বীকার করিবেন। সুনিয়াছি তিনি নাকি আহমদৌ প্রকাশের পূর্বে কতকদিন ব্রাহ্মধর্ম অবলম্বন করিয়াছিলেন। ব্রাহ্ম মন্দিরে উপাসনায় যাইতেন। মৎস্য, মাংস ছাড়িয়াছিলেন, নামাজ পড়িতেন না। পরে মুসলমান সমাজে তিনি ঘৃণিত হওয়াতেই হটক কি মনের ইচ্ছাতেই হটক কি মুসলমান সমাজে চলাচল করার জগুই হটক কি মৎস্য মাংস পুনঃ রুচিবশতই হটক ঐ ধর্ম ছাড়িয়াছিলেন। বিগত ১৫ই শ্রাবণ আহমদৌ সম্পাদক সম্পাদকীয় স্তম্ভে বাহা লিখিয়াছেন, বাহাব উক্তব আখবাবে এসলামীয়াতে প্রকাশ হইয়াছে তাহা আপনাব ও পার্শ্বকগণেব নিকট অপ্ৰকাশ নাই। এমন ব্যক্তি যদি পাক্ষা মুসলমান হয়, তবে বলুন জগতে কাফেব কে ? এইক্ষণ শুনিতে পাই আহমদৌ সম্পাদক নাকি নামাজ ছাড়িয়াছেন। কয়েক দিবস হইল কলিকাতা অঞ্চল হইতে একটি হিন্দু বক্তা করটিয়া জমিদার বাটিতে আসিয়াছিলেন, সেই উপলক্ষে জমিদার বাটিতে একটা সভা আহত হয়। সে সভায় আহমদৌ সম্পাদকের আগমন হয়। মুসলমানগণ সভা হইতে উঠিয়া আছরের নামাজ পড়িতে গেলেন, আহমদৌ সম্পাদক বিজ্ঞ মস্তকে শালগ্রাম প্রস্তরের গায় সভা মধ্যে বসিয়া রহিলেন।

প্রস্তাব লিখক ! আপনি লিখিয়াছেন, “মন স্বাধীন, লিখনিও স্বাধীন, কিন্তু বাধা অনেক, আশঙ্কা অনেক।” মহাত্মন ! যদি কেহ কোন কার্য্য করিতে উদ্যত হয়, তবে ঐ কার্য্য গায়সঙ্গত হইলে যদি কোন প্রতিবন্ধক হওয়ার কারণ সে কার্য্য সম্পাদিত হইতে না পারে তবে সেই প্রতিবন্ধককে বাধা বলে। কোন ভয়ে সেই কার্য্য সম্পাদিত হইতে না পারিলে তাহাকে আশঙ্কা বলে। ভরসা করি ইহা আপনারও স্বীকার্য্য। যদি কেহ বাধা ভয় না মানে, মন স্বাধীন বিবেচনায় মনে যাহা লয় তাহাই করে, তাহাই বলে, তাহাই লিখে, তাহা হইলে পাগলবই তাহাকে কি বলা যাইতে পারে। অতএব মনে যে কথাই উদয় হয় ঐ কথা সাংসারিক উপকারী কি অল্পকারী, হিত কি অহিত ভাল কি মন্দ, সং কি অসং প্রথম বুদ্ধির বিচারালয় উপস্থিত করিবে। যদি বুদ্ধির বিচারে সে কথা অসঙ্গত হয়, তবে তাহা কখনই করিতে নাই। যদি সঙ্গত হয়, তবে ঐ কথা দ্বিতীয়বার ধর্মের বিচারালয়ে

উপস্থিত করিবে। ধর্মের বিচারে যদি উহা অসঙ্গত হয়, তবে উহা পরিত্যজ্য। সঙ্গত হইলে অমনি সে কথা জীবনে পবিত্র করিবে। বিনি প্রথম বিচারের অন্তথা করিবেন, তাঁহাকে পাগলবই কি সংজ্ঞা দেওয়া যাইতে পারে? বিনি দ্বিতীয় বিচারের অন্তথা করিবেন তিনি কথা বিশেষ কাজ বিশেষে পাপী, বিধর্মী, কাফের বলিয়া অভিহিত হইবেন। এইক্ষণ আপনার মন ক্লিপ স্বাধীন জানিতে ইচ্ছা করি।

গোমাংস

প্রস্তাব লিখক! আপনি লিখিয়াছেন, “খাও, অখাও, স্বেচ্ছা”। আপনি এইরূপে ক্রমশঃ যে খাওদ্রব্যের বিভাগ করিয়াছেন, গভীবভাবে বিবেচনা করিয়া দেখুন, উহাতে আপনার মোটা ভুল হইয়াছে কি না? আমরা বলি সাধারণ খাও, সাধারণ অখাও। যাহা খাওয়া যাইতে পারে তাহা সাধারণ খাও। যাহা খাওয়া যাইতে না পারে তাহা সাধারণ অখাও। সাধারণ খাদ্য দুইভাবে বিভক্ত, খাদ্য অখাদ্য, ধর্ম শাস্ত্রানুসারে যাহা খাওয়া সিদ্ধ তাহাই খাদ্য। যাহা খাওয়া অসিদ্ধ তাহা অখাদ্য। আবার ঐ খাদ্যদ্রব্য দুইভাগে বিভক্ত। স্বেচ্ছা ও কুখাদ্য। স্বস্থাবস্থায় যাহা খাইলে শরীরের উপকার ব্যতীত অপকার না জন্মে, তাহাই স্বেচ্ছা। যাহা খাইলে শরীরের অপকার না জন্মে, তাহাই কুখাদ্য। মহোদয়! জগতের সকল সন্ত্যজাতিই এক একটি ধর্ম বজ্জুতে আবদ্ধ আছেন। সকলেই আপন আপন ধর্ম অনুসারে খাদ্যখাদ্যের বস্তু ঠিক করিয়া লন। তাহাতে কাহারও কথা চলে না। কাহারও তর্ক চলে না। অতএব যখন আমাদের পবিত্র কোরাণ শরীফে গোমাংস সেবনের ও গরু কোরবানি করণের বিধি স্পষ্ট লিখিত আছে, তখন গোমাংস যে আমাদের খাদ্য ইহা অদ্বান্ত মনে বিশ্বাস করিয়া গোমাংস সেবন করিয়া থাকি। কিন্তু ব্যক্তি বিশেষে উহা কখন বা স্বেচ্ছা কখন বা কুখাদ্য পরিণত হয়। আহমদী সম্পাদক বেরুপ শীর্ণদেহ ক্লিষ্টকায় তাঁহার মত লোকের পক্ষে গোমাংস সেবন করা অবশ্য কুখাদ্যের মধ্যে পরিণত হইবে। তাই বলিয়া কি পবিত্র কোরাণ শরীফের বিধি উড়িয়া যাইবে?

প্রস্তাব লিখক! আপনি লিখিয়াছেন “এইক্ষণে কথা এই যে দেশ, কাল, পাত্র বিবেচনা করিয়া খাদ্যের ব্যবস্থা করা আবশ্যিক”। মহাশয় দেখা যাউক আপনার এই বক্তব্য কতদূর সঙ্গত। দেশ বিবেচনাই যদি খাদ্যের ব্যবস্থা করা কর্তব্য

হয়, তবে ভারতবাসী হিন্দু, মুসলমানগণ যখন শীতপ্রধান দেশ ইউরোপে গমন করিবেন তখন তাঁহাদের শরাব, শূকর, গোমাংস ইত্যাদি সেবন করা কর্তব্য হইবে। আবার যখন শীতপ্রধান দেশবাসী ইউরোপীয় মহাপুরুষগণ ভারতে আগমন করিবেন তখন তাঁহাদের চাল, ডাল, কাঁচকলা ইত্যাদি সেবন করা কর্তব্য হইবে। এই যুক্তিটি ভারতবাসী হিন্দু, মুসলমান ও ইউরোপীয় মহাপুরুষগণের পক্ষে মন্দ হয় নাই।

২। কেবল কাল বিবেচনাই যদি খাদ্যের ব্যবস্থা আবশ্যক হয়, তাহা হইলে শীতকালে ভারতবাসী হিন্দু মুসলমানগণের শরাব, শূকর, গোমাংস সেবন করা কর্তব্য। আবার গ্রীষ্মকালে উহা পরিত্যাগ করা কর্তব্য হইবে। প্রস্তাব লিখক এই যুক্তি দিয়া ভারতবাসী হিন্দু মুসলমানের যে আশীর্বাদেব পাত্র হইয়াছেন সন্দেহ নাই।

৩। কেবল পাত্র বিবেচনাই যদি খাদ্যের ব্যবস্থা করা কর্তব্য হয়, তাহা হইলে ভারতে হিন্দু মুসলমান মধ্যে যাহারা আহমদী সম্প্রদায়ের ত্রায় দুর্বল ক্ষীণকায় তাহাদের পক্ষে শূকর, শরাব, গোমাংস না খাওয়া কর্তব্য। আবার ভারতের হিন্দু মুসলমানের মধ্যে যাহারা হুটপুটাজ তাহাদের পক্ষে শূকর, শরাব, গোমাংস খাওয়া কর্তব্য। প্রস্তাব লিখক এই যুক্তি দিয়া যে ভারতের হিন্দু, মুসলমানের আলিঙ্গনেব পাত্র হইয়াছেন সন্দেহ কি? ধন্য তাঁহার যুক্তি শক্তি। যদি বলেন দেশ, কাল, পাত্র সম্বন্ধে পৃথক পৃথক মাংস না করিয়া একত্র মাংস না করা কর্তব্য, মানিলাম। তাহা হইলেও তাহার ফল এইরূপ দাঁড়াইবে যে, ভারতবর্ষের হিন্দু মুসলমানগণ ইউরোপে গেলে তাঁহাদের মধ্যে ও ইউরোপীয়গণের মধ্যে যাহারা দুর্বল যাহাদের পরিপাক শক্তি নিতেজ তাহাদের ব্যতীত সকলেরই শরাব, শূকর, গোমাংস ইত্যাদি সেবন করা কর্তব্য হইবে। আবার ইউরোপ হইতে যে সকল মহাপুরুষগণ ভারতবর্ষে আগমন করিবেন তাঁহাদের ও ভারতের হিন্দু মুসলমানগণ মধ্যে শীতকালে যাহারা শক্তিহীন যাহাদের পরিপাক শক্তি অতি কম, তাঁহাদের ব্যতীত সমস্তেরই শরাব, শূকর, গোমাংস ইত্যাদি খাওয়া আবশ্যক হইবে। এইরূপ যুক্তিটিও ভারতবাসী হিন্দু মুসলমানগণের পক্ষে মন্দ হয় না।

আমরা বলি যাহার যে ধর্ম সেই ধর্মাম্বসারে প্রথম তাহার খাদ্যের জিনিস সকল নির্ণয় করিয়া লওয়া কর্তব্য। পরে দেশ, কাল, পাত্র বিবেচনায় এই সকল

জিনিস মধ্যে যে সকল দ্রব্য যে দেশে যে সময় যাহাদের পক্ষে উপকারী তাহাই তাহাদের সেবা বাহা অপকারী তাহাই অসেবা ।

প্রস্তুত লিখক ! আপনি লিখিয়াছেন, “যে মৌলবী সাহেব গোমাংসের জন্ত এত লালায়িত, এক টুকরা গোমাংসের জন্ত এত জেদ এত প্রতিবাদ ধর্মত বলুন তো প্রতিদিন ছুবেলা কি তাহা খাইয়া থাকেন ? প্রতি সন্ধ্যা কি গোমাংসে ক্ষুধা নিবৃত্ত করেন ? না প্রতি সন্ধ্যাতে গোমাংস ব্যঞ্জে অন্ন রঞ্জিত করিয়া থাকেন ? না সপ্তাহে দুদিন কি একদিন গোমাংসের স্বাদে রসনা পরিতৃপ্ত করেন ? না প্রতি সন্ধ্যা থাইতে ইচ্ছা করেন ? ধর্মের দোহাই মিথ্যা বলিবেন না ।” মহাশয় কোন মৌলবী সাহেব গোমাংসের জন্ত লালায়িত নহেন, গোমাংসের জেদে প্রতিবাদও করেন না, প্রতিদিন প্রতি সন্ধ্যা তাঁহারা যে গোমাংস খাইয়া থাকেন একথা কোন মৌলবী সাহেব লিখেন নাই ও বলেন নাই । গোমাংস বলিয়া কথা কি, আপনি ধর্মত বলুন তো আজ যে যে ব্যঞ্জে অন্ন রঞ্জিত করিয়াছেন প্রতিদিন কি প্রতিসন্ধ্যায় তাহা কি খাইয়া থাকেন ? কখনই নয় । বিগত ১৫ই শ্রাবণের প্রবন্ধ পাঠ করিয়া দেখুন তাহাতে আপনি কত ধর্ম বিগর্হিত কথা লিখিয়াছেন, সে কথা কি দুমাস ছমাসেই ভুলিয়াছেন ? মহামাণ্ড পবিত্র কোরাণ শরীফে খোদা-তালা আদেশ করিয়াছেন, “তোমরা গোমাংস সেবন কর ।” আপনি লিখিয়াছেন, “আমরা যেন আর গোখাদক বলিয়া অভিহিত না হই ।” তজ্জগুই মৌলবীগণ আপনার প্রতি কাফেরের ফতওয়া দিয়াছেন । আপনি ধর্মত বলুন তো কখনও গোমাংসের ব্যঞ্জে আপনার অন্ন রঞ্জিত হইয়াছে কি না ? গোমাংসের স্তূরুখা ঢালিয়া লইয়াছেন কিনা ? বাটী ভরা গোমাংস না পাইলে ক্রোধে জলিয়া ছাৰ-খার হইয়াছেন কিনা । এখনও মধ্যে মধ্যে চুপেচুপে গোমাংসের বাটীর সামনে গমনাগমন করেন কিনা ? যাহারা কুড়ি ত্রিশ বৎসর গোমাংস সেবন করিয়া প্রকাশে গোমাংসের নিন্দা করে তাহাদিগকে ধিক্ ! শতধিক্ !

মৌলবী সাহেবগণ বলেন, পবিত্র কোরাণ শরীফের ব্যবস্থানুসারে গোমাংস সেবন করা মুসলমানের পক্ষে হালাল । কোরবানি করাও হালাল । গোমাংস থাইলে যাহার শারীরিক উপকার হয় তাহার খাওয়ায় বাধা নাই, না থাইলেও পাপ নাই, জ্বাবর গোমাংস থাইলে যাহার শারীরিক অপকার হয়, তাহার না খাওয়াই কর্তব্য । কিন্তু গোমাংস ও কোরবানিকে হালাল বিশ্বাস করায় মুসলমান মাত্রেই

উচিত। যিনি মুসলমান হইয়া উহা হালাল না জানেন তিনি কাফেরের মধ্যে পরিগণিত, এই এসলামী ধর্মের সার ব্যবস্থা।

প্রস্তাব লিখক। আপনি লিখিয়াছেন “প্রকৃতি কাহারও নিকট কোন উপ-দেশ লইয়া কোন কার্য করে না। স্বভাবের বৈপরিত্যও সহজে ঘটে না জোর জোবান ঘটাইবার চেষ্টা করিলেও টেকে না।” মহাশয় যিনি কেবল আপনার এই মস্ত্র দীক্ষিত, তিনি নাস্তিক। যাহারা নাস্তিক তাহারা এসলামীয়া ধর্মামুসারে কাফের। তাহারা কখনই মুসলমান বলিয়া গণনীয় নহে। আপনার এই মস্ত্রটি যদি কেহ কাহাব পরিবারবর্গকে শিখাইয়া দেয়, এবং বলিয়া দেয় যে তোমাদের স্বভাবে যাহা লয় তাহাই কব কোন বাধা বিঘ্ন মানিও না। তবে তাহাব বাটিতে অনতিবিলম্বে কোন অমঙ্গলের আশঙ্কা আছে কিনা? আবার যাহারা ঐ মস্ত্র জপ করিয়া থাকেন যদি তাহারা তাহাদের পবিবাবকে পিনজব পাখীর ন্যায় আবদ্ধ রাখেন তবে তাহাদের প্রকৃতির আদেশ ভঙ্গ হয় কিনা?

প্রস্তাব লিখক! যাহারা গোমাংস সেবন করে তাহারা তো আপনার কথা-মুসারে প্রকৃতির নিয়ম লঙ্ঘন করিয়া থাকে। মানিলাম! ভাল বলুন দেখি যাহারা গোবংশগুলোকে জ্বরদান্ত ক্রমে বাঁধিয়া রাখিয়া তাহাদের জীবিকা কাড়িয়া খায়, তাহারা প্রকৃতির নিয়ম ভঙ্গ করে কিনা? আফসোস! খোদরা ফজিহত। দগররা নছিহত।

প্রস্তাব লিখক। আপনি লিখিয়াছেন, “যে দেশে যাহা প্রয়োজন, সে দেশের জন্ত করুণাময় ভগবান অপরিাপ্যপ্তরূপে তাহা দান করিয়াছেন। মহাশয়! আপনার এই কথা স্বীকার্য। সেইজন্তই ভারতে মুসলমানগণ গরু খাইয়া থাকেন। কেননা খোদাতালা ভারতে অপরিাপ্যপ্তরূপে গরু সৃষ্টি করিয়াছেন। দেখুন প্রায় সহস্র বৎসরাবধি মুসলমানগণ গরু খাওয়া সত্ত্বেও ভারতে গরুর কোন অংশেই ন্যূনতা নাই। সে দিগেই চাওয়া যায় সেইদিগেই শত শত গরু দৃষ্টিগোচর হয়। অতএব এদেশে গরু খাওয়া যে খোদাতালার অভিপ্রায় তাহা আপনার লিখাই প্রমাণ করিতেছে। যাহারা গরু খাওয়া নিষেধ করেন তাহারা খোদাতালার অভিপ্রায়ের বিরুদ্ধে দাঁড়াইয়াছেন। নউজ বেলা মেন্‌হা!

প্রস্তাব লিখক! আপনি লিখিয়াছেন “আর চাই কি? দশটি কৃষ্টযোগাক্রান্ত ব্যক্তির পরিচয় লইয়া দেখিবে তাহার মধ্যে কয়জন হিন্দু আর কয়জন মুসলমান।” মহাশয়! আমরা বোধ করি মুসলমানের সংখ্যা অধিক হইবেক না, গোমাংসের

গুণ অধিক কি দেখাইব, ভাল আপান দশজন পুরুষবাহানি রোগাক্রান্ত ব্যক্তির
পরিচয় লইয়া দেখুন, তন্মধ্যে কয়জন হিন্দু কয়জন মুসলমান। পিস্তুল গীড়িত
দশজন লোকের পরিচয় লইয়া দেখুন কয়জন হিন্দু কয়জন মুসলমান। দশজন
গৃহিনী রোগাক্রান্ত মেয়েলোকের পরিচয় লইয়া দেখুন কয়জন হিন্দু ও কয়জন
মুসলমান। অতএব হালানী বস্তুর অসীম গুণ। ভরসা করি যাহার উদ্দেশ্যে
মোরগের বাণ, গো-মাংসের স্করুয়া একবার প্রবেশ করিয়াছে সে এ-ভাবে
ভুলিবার নয়।

প্রস্তাব লিখক! আপনি লিখিয়াছেন “ভ্রাতাগণ! সেই হাকিমানের বস্তু
বিচার গ্রহে গোমাংসের গুণাগুণ কিরূপ বর্ণিত হইয়াছে অল্পগ্রহ করিয়া এক-
বার পাঠ করিয়া দেখিবেন, যদি মূর্খতাদোষে সে গ্রন্থ পাঠের শক্তি না থাকে, তবে
কোন হাকিমকে জিজ্ঞাসা করিয়া দেখিবেন।” মহাশয় এই লিখনুসারে ইউনানি
হেকিমী বিজ্ঞায় যে আপনার বিশেষ অধিকার আছে ইহাই প্রকাশ পাইতেছে।
প্রথম আপনি হাকিমী ও ডাক্তারী মতানুসারে গোমাংসের গুণাগুণ ও ত্বকের
গুণাগুণ আগামীবারে আহমদীতে প্রকাশ করুন। এবং তাহা কোন কের্তাবের
কত অধ্যায় লিখিত আছে তাহা লিখিয়া দেউন, তৎপর বাহাদিরকে আপনি মূর্খ
বলিয়া নির্দেশ করত দর্প করিয়াছেন তাহাদের কথা পরে শুনিবেন।

পাঠক! প্রস্তাব লিখকের প্রবন্ধটি নিম্নে অবিকল উদ্ধৃত করিয়া দেওয়া
হইল। ঐ সম্বন্ধে আপনাদেব মতামত লিখিবেন, আগামীতে আশ্বারে প্রকাশ
হইবে।

(প্রতিবাদ সমাপ্ত)

পরিশেষ লিখকের কায়কাটি কথা

১। প্রতিবাদকারী মহাশয়গণ লিখকের নাম, ধাম, পরিচয়, আহমদী
সম্পাদক নিকট তলব করায় সম্পাদকের অনুরোধে লিখক পরিচয় দিতেছে।

২। আশ্বারে এসলামীয়া সম্পাদক লিখকের পরিচয় আভাবে “সাত
সমুদ্র তের নদী পার হইয়া এদেশে আসা” যে লিখিয়াছেন, তাহা নহে। অদৃষ্টের
চক্রে এবং অল্পজলের আর্কষণে সামান্ত দাসত্ব স্বীকার্য, গৌরী, পদ্মা, যমুনা, পার
হইয়া সপরিবারে এ অঞ্চলে আসিয়াছে। নিবাস—বঙ্গরাজ্য মধ্যস্থিত বিখ্যাত
নদীয়া জেলার অন্তর্গত সাবডিবিজান কুষ্টিয়ার অন্তিনিকট সামান্ত পল্লী লাহিনী-
পাড়া গ্রামে জন্মস্থান—বৎসামান্ত বাসস্থিতির বর্তমান।

৩। এসলামীয়া সম্পাদক ও তাঁহার বহুকণী বন্ধু, যিনি কখনও মৌলবী, মুহর্ত্ত পরেই মুন্সী, চার পাঁচ ছত্র পরেই আবার হুফি পরিচয় দিয়া লিখককে কাকের সাবাস্ত করিয়াছেন, মুকব্বি-য়ানা মতে “তওবা” করিবারও উপদেশ দিয়াছেন।

৪। টাঙ্গাইলেব অবৈতনিক কাজী এবং নেকাহ তালকের সাক্ষী গোপাল মৌলভী স্থলতান আহাম্মদ সাহেব বিগত ১৮রা ভাদ্র শুক্রবার দিবা দ্বিপ্রহর তিনটার সময় সাবডিপুটী মৌলবী সফাউদ্দিন সাহেবের বাসাবাটিস্থ কয়েক সপ্তাহস্থিত, মোসলমান ধর্মসভার সভাগণ সম্মুখে গোকুল নির্মূল প্রস্তাব বিষয়ে উল্লেখ করিয়া লিখককে “কাকের” এবং স্ত্রী “হারাম” হওয়া সাবাস্ত করিয়া উপস্থিত সভাগণকে বুঝাইয়া সমস্ত ব্যস্ত করেন। আরও বলেন যে, “যদি কোন মোসলমান ঐ প্রস্তাব লিখিয়া থাকেন তবে তিনি “তওবা” করুন।” সে সময় লিখকের নাম অপ্রকাশ। কিন্তু লিখক সে ধর্মসভায় উপস্থিত। কিন্তু কোন বাদ প্রতিবাদ করে নাই। —মাত্র বলিয়াছিল বিষয়টি বড়ই গুরুতর, বিবেচনা করিয়া আপনার এইমত প্রকাশ পত্রিকায় প্রকাশ করিলে ভাল হয়। অবশ্যই প্রস্তাব লিখকের পরিচয় পাওয়া যাইবে।

৫। এইক্ষণে লিখক এসলামীয়া সম্পাদক মৌলবী নঈমুদ্দীন ও তাঁহার বহুকণী বন্ধু এবং অবৈতনিক কাজী স্থলতান আহাম্মদ খাঁ সাহেবকে এতদ্বারা জ্ঞাপন করিতেছে যে, তাহারা গো-জীবনের কোন কোন প্রস্তাবের, কোন কোন শব্দে লিখককে কাকের ও তাঁহার স্ত্রী হারাম হওয়া স্থির সিদ্ধান্ত করিয়াছেন, সেই সেই স্থানের সেই সেই শব্দ বা উক্তি বিশেষরূপে নিদৃষ্ট করিয়া অদা হইতে ত্রিশদিনের মধ্যে লিখকের প্রতিনিধি টাঙ্গাইল মুন্সেফী আদালতের উকিল শ্রীযুক্ত রাব্বুররহমান চক্রবর্তী মহাশয় নিকট প্রেরণ করুন এবং এসলামীয়া পত্রিকায় প্রকাশ করেন।

৬। সুবিজ্ঞ মুসলমান ভ্রাতাগণ! গো-জীবনের আদি-অন্ত মনোঃসংযোগ পাঠ করিয়া কোফরে কালামের পদগুলি নির্ণয় করত প্রকাশ করিয়া লিখককে চির কৃতজ্ঞতাপাশে আবদ্ধ করুন। ইহাই লিখকের সাহসনয়ে প্রার্থনা।

৭। “কাকের” ও “স্ত্রী হারাম” দুইটি কথা যেমনই হৃদয় বিদারক, তেমনি ভয়ানক। লিখকের মনে বিশেষ আঘাত লাগিয়াছে। বথার্থ মোসলমান ভিন্ন

সে আঘাতের বেদন', অতীত কোন সম্প্রদায় অতীত করিতে সমর্থ হইবেন কিনা সন্দেহ। স্ত্রী বর্জিত—বিনা মেঘে বজ্রাঘাত। এ বেদনা এ যাতনা স্ত্রী, প্রিয়জন মাত্রেই সহজে হৃদয়ঙ্গম করিতে সক্ষম হইবেন।

৮। ঘোড়াশাল স্কুলের প্রথম শিক্ষক মহাশয় প্রতিবাদ ক্ষেত্রে দণ্ডায়মান হইয়া ৫ম ভাগ ৩ষ্ঠ সংখ্যা আখ্যাবে এসলামীয়া মাসিক পত্রিকায় লিখিয়াছেন যে, “গোকুল নিখিল আশঙ্কা প্রস্তাবে প্রতিবাদ আহমদী পত্রিকায় প্রকাশ জ্ঞাত পাঠান হইয়াছিল, সম্পাদক তাহা প্রকাশ করেন নাই।” যদিও এক্ষেত্রে সম্পাদক নিরব। কিন্তু লিখক বলিতেছে, এবং চক্ষে অঙ্গুলি দিয়া দেখাইয়া দিতেছে ১৫ই আশ্বিন ৫ম সংখ্যার আহমদী দৃষ্টি করুন। ভ্রম দূর হইবে। শিক্ষক মহাশয়ের লিখিত প্রতিবাদ লিখক বিশেষ মনোযোগের সহিত পূর্বেই পাঠ করিয়াছিল, গো-জীবন মুদ্রাঙ্কন সময়েও পাঠ করিয়াছে—গৃহীত প্রতিবাদ হইতে তাহাতে বিশেষ কোন নূতন কথা নাই বলিয়া গো-জীবনে গৃহীত হইল না। শিক্ষক মহাশয় ক্ষমা করিবেন।

৯। দয়াময় ভগবানের অমূল্য হইলে এই গো-জীবন শীঘ্রই আরবী, ফারসী, উর্দু এবং হিন্দী ভাষায় অনূবাদিত হইয়া পবিত্রধাম মক্কা মোয়াজ্জমায় পূণ্যক্ষেত্রে বোগদাদে, মোসলমান রাজ্য প্রধান প্রদেশ তুরস্কে, হায়দারাবাদে, ঢোকে, দিল্লীতে এবং আজমীর শরীফে প্রেরণ করিয়া তথাকার প্রধান প্রধান মোলবী মোলনা, মহামতিগণের মতামত সংগ্রহ করিয়া যত সম্বরে হয় পুনঃ প্রকাশ হইবে। সর্বশক্তিমান ভগবানই লিখকের রক্ষক। সেই অদ্বিতীয় জগত-নিধান জগতপতি জগদীশ্বরই লিখকের আশ্রয়।

